

世醫得效方卷第五終

世醫得效方卷第六

大方脉雜醫科

下痢

〔風證〕神朮散治胃經傷風自汗。小便難。下痢。方見咳嗽類
露宿湯治風痢純下清血。

- 杏 仁 七個去皮尖去 苦木瘡 乙掌大 烏梅 二個 草果 一個 酸石榴皮 半個 青皮 二個
- 甘草 二寸

右剉散。作一劑。水二碗。生薑三片。煎七分。露星一宿。次早空腹服。

胃風湯治法藥件 並見瀉瀉類

〔寒證〕人參敗毒散治寒邪壯熱下痢。及所下似痢非痢。似血非血。色如濁酒者。加陳米百粒煎。見方

傷寒腸證類

不換金正氣散治臟腑受寒。下痢赤白。加烏梅陳米煎。方見時疫類

〔暑證〕六和湯治暑伏熱。致成痢疾。煩渴。小便赤澀。方見傷暑類

五苓散治同上。能分陰陽。利水道。方見傷暑類

藥皮湯治暑痢。方見泄瀉類

酒蒸黃連圓治伏熱瀉痢不止。用香薷散。燈心二十莖。車前草二根煎。吞服立效。方見後面及傷暑類

〔濕證〕加味除濕湯治一身盡痛重著。浮黃。下痢如豆羹汁。

半夏麴

厚

朴去粗皮薑汁製

蒼

朮炒各一兩

藿香葉

陳皮炒

茯苓

各五錢

粉草一錢

官桂

木

香各三錢

右剉散。每服四錢。水一盞半。生薑三片。紅棗二枚煎服。空心。仍以五苓散兼服。利其小水。

艾薑圓治濕冷下痢膿血。腹痛。婦人下血。

乾艾葉四兩炒焦存性

川白薑一兩炮

右爲末。醋煮麵糊圓。如梧子大。每服三十圓。溫米飲下。

苦散治脾受濕氣。泄痢不止。米穀不化。

黃

連去蟲剉如豆

吳茱萸

白芍藥剉如豆各二兩同炒令赤色

右剉散。每服二錢。水一盞。煎至七分。去滓溫服。

〔熱證〕小承氣湯治下痢赤黃。但煩飲冷。小便不利。得熱則極。心煩躁喜渴。先服一二服蕩之。須審

是實熱方可。次用五苓散加車前子。以利小便。黃連阿膠圓佐治之。即效。方見傷暑及咳嗽類

小柴胡湯治下痢赤白。心中煩躁。潮熱。加赤芍藥地榆麥門冬淡竹葉煎效。方見傷寒陽證類

敗毒散治同上。加陳米煎。方見傷寒陽證類

烏梅圓治下痢純血。臍腹絞痛。脉急大數。由腸胃久虛。或先經下血痢未止。服熱藥蘊毒伏熱。滲成

血痢。

烏梅二兩焙

黃連三兩

茱萸

當歸

酸石榴皮各一兩

右爲末。醋糊圓。如梧子大。每服三十圓。米飲湯下。更以意加減服。

地榆散治熱留腸胃。下痢鮮血。亦名潑火散。方見傷暑類

藥皮湯治熱證發熱下痢。方見泄瀉類

芍藥藥皮圓治一切濕熱惡痢。頻并窘痛。無問膿血。並宜服。

芍藥 黃蘗各一兩 當歸 黃連各半兩
 右爲末。水圓小豆大。溫水下三四十圓。無時候。及夜五六服。忌油膩脂肥發熱等物。熱痢大效。
 三黃熟艾湯治傷寒四五日。大下熱痢。諸藥不止。宜服此除熱止痢。亦作圓子。熟水吞下四十圓。治時行毒痢良驗。

黃芩 黃連 黃蘗各二分 熟艾牛個雞子大
 右剉散。每服三錢。水一盞。煎至七分。去滓溫服。不拘時。
 酒蒸黃連圓治身熱下痢鮮血。煩躁多渴。或傷熱物過度。

黃連一斤去殼 好酒二斤半
 右用酒浸。瓦器盛。置甑上蒸至爛。取出曬乾。研爲末。用麵糊爲圓。如梧子大。每服三十圓。熟水吞下。又療傷酒過多。臟毒下血。大便泄瀉。用溫米飲下。食前一日兩服。
 白頭翁湯治熱痢下血。連月不瘥。

白頭翁二兩 黃連 黃蘗皮 秦皮各三兩
 右剉散。每服四錢。水一盞半。煎至八分。不拘時溫服。

〔冷證〕當歸圓治冷痢。寒清腸鳴。所下純白。腹痛不止。手足冷者。宜服之。

當歸 白芍藥 附子炮 白朮 乾薑炮 厚朴製炒
 阿膠粉炒各一兩 烏梅二兩
 右爲末。醋糊圓。如梧子大。每服五十圓。米飲吞下。空心服。腹痛甚。加桂半兩。小便不利。加白茯苓一兩。

大凡痢疾。雖體寒手足逆冷。冷汗自出。六脉沉伏。不宜輕用附子。多因伏暑而得此疾。亦有冷汗自出。四肢逆冷。六脉虛弱。但背寒面垢。或面如塗油。齒乾煩冤。燥渴引飲。此伏暑證也。小柴胡湯五苓散酒蒸黃連圓必能奏效。學者宜審思耳。方見傷寒陽證傷暑類及見前

水煮木香圓治純下白痢。及淡紅黑痢。

罌粟殼二兩去蒂毫穰 訶子肉六錢 乾薑四兩 木香 青皮 陳皮
 甘草各三錢 當歸 白芍藥各半兩

右爲末。煉蜜圓。如彈子大。每服一圓。熟水空心服。

豆蔻散治脾虛腸鳴。久痢不止。

大肉豆蔻一枚剉小孔子入乳香三小塊在內以麩裹煨熟為度去麩

右為末。每服一錢。米飲調下。

附子理中湯。正理中湯。加炮附子每料一兩。朮附湯。薑附湯。治同上。方見霍亂中濕中身類

玉華白丹。治臟腑久虛下痢。空心米飲下。渴者人參湯下。亦治腸風下血。

震靈丹。橘皮煎。圓治同上。方並見痢冷及虛損類

鍾乳建脾。圓治男子婦人虛損羸瘦。身體沉重。脾胃冷弱。飲食不消。腹脹雷鳴。泄瀉不止。又治腸虛積冷。下痢清穀。或下純白。腹中疝痛。及久痢赤白。腸滑不禁。少氣羸弱。不思飲食。並宜服之。

肉桂去粗皮 人參去蘆 黃連去蘆 乾薑 龍骨各一兩

蜀椒去目及閉口者微炒出汗三兩半 當歸去蘆 大麥蘖炒 石斛去根各一兩 附子炮去皮

茯苓去皮 細辛去苗土 神麴碎炒 赤石脂各一兩 鍾乳粉一兩半

右為末。入鍾乳粉和勻。煉蜜為圓。如梧桐子大。每服三十圓。食前溫米飲下。日三服。未效用。三建

湯吞金粟黃芽丹數粒。方見痢冷類

木香散。治脾胃虛弱。內挾風冷。泄瀉注下。水穀不化。臍下疝痛。腹中雷鳴。及積寒久痢。腸滑不禁。

藿香葉洗焙四兩 赤石脂 附子去皮臍諸蒸切焙各一兩 丁香 當歸去蘆

肉豆蔻仁 木香 甘草炙各二兩 訶子皮一兩半

右剉散。每服二錢。生薑三片。棗子二枚煎。空心溫服。

五積散。治內傷生冷下痢。加縮砂木香製粟殼炒阿膠大效。方見傷寒陰證類

椒艾圓。治虛寒下痢不止。方見泄瀉類

四柱散。治下痢。又復泄瀉。耳鳴。手冷腹痛。加木香生薑棗子粟米煎。就調後藥。方見泄瀉類

赤石脂散。治腸胃虛弱。水穀不化。泄瀉注下。腹中雷鳴。及冷熱不調。下痢赤白。腸滑腹痛。遍數頻多。

脇肋虛滿。胸膈痞悶。肢體困倦。飲食減少。

赤石脂 甘草炙各一兩 肉豆蔻麩裹煨令熱十兩 縮砂仁五兩

為末二錢。粟米飲調。

〔冷熱不調下痢〕真人養臟湯

香連圓。治同上。二方並見泄瀉類

駐車圓。治同上。方見後。已上三方用皆立效。

〔氣痢〕牛乳湯治氣痢泄如蟹渤。

葦 撥二錢 牛乳牛升

右同煎減半。空腹服效。

木香流氣飲治同上。方見諸氣類

五膈寬中散治同上。方見五膈類

異香散治憂鬱氣滯不散。腹中膨滿刺痛。下痢不止。

蓬莪茂煨 益智仁 甘草炙 京三棱煨各六兩 青皮去白 陳皮去白各三兩

石蓮肉一兩 厚朴薑汁浸炒二兩

右剉散。每服二錢。水一盞。薑三片。棗一枚。鹽一捻。煎七分。通口服。不計時。或鹽湯鹽酒亦可。

木香勻氣散治氣痢腹痛經驗。方見諸痢類

〔積痢〕治食積下痢。腹內緊痛。不進飲食。鹽梅湯或米飲多服。盧氏感應圓。或用蘇合香圓和圓。仍

用平胃散五苓散二末藥鹽湯空心服。調理立安。方見諸積中氣脾胃傷暑類

蠟置圓又名靈砂圓。治痢止水瀉。

礪 砂一分 辰砂一分 巴豆三七粒去殼 黃蠟牛兩

右以二砂為末外。將巴豆黃蠟銀石器內重湯煮一伏時。候巴豆紫色為度。去十四粒。將七粒與

二砂末同研極勻。再鎔蠟置藥。每旋圓如菘豆大。每服三粒至五粒。水瀉生薑湯吞下。白痢艾湯。

赤痢烏梅湯。五更空心時服。服畢。一時不須吃食。臨臥服尤佳。

〔禁口痢〕敗毒散治心煩手足熱頭痛。此乃毒氣上衝心肺。所以嘔而不食。每服四錢。水一盞半。陳

倉米一百粒。薑三片。棗一枚。煎。溫服。方見傷寒陽證類

眞料參苓白朮散治禁口痢。食飲不下。棗湯調效。方見脾胃類

又方用石蓮肉留心為末。陳米飲下。

又方治心腹虛膨。手足厥冷。或飲過苦澀涼劑。晨朝未食先嘔。或聞食即吐不思飲食。此乃脾胃虛

弱。山藥一味。剉如小豆大。一半銀石器內炒熟。一半生用。為末米飲調下。自獲其功。

煨鯽魚方治禁口痢。

鯽魚撚去膽與腸肚。入白礬一大豆許同煨熟。入鹽醋吃。不過兩枚。與痢俱效。

〔休息痢〕加味養臟湯加炮附子青皮烏藥茯苓各五錢。治傷酒肉炙燂後發為痢疾。休作無時。名

曰休息。生薑三片、紅棗二枚煎。方見瀉瀉類

神效散治休息痢氣痢。膿血不止。疼痛困弱。

當歸焙 烏梅肉 黃連

右等分爲末。研大蒜成膏。爲圓如梧子大。每服二三十圓。厚朴湯下。一方加阿膠。

妙五積散治同上。生薑三片、紅棗二枚、鹽梅一個、木香半錢煎。方見傷寒陰證類

駐車圓治冷熱不調。下痢赤白。日夜無度。腹痛不可忍者。及治休息痢疾大效。痢方之魁。

黃連去鹽六兩 阿膠給粉炒三兩 當歸去蘆洗三兩 乾薑炮二兩

右爲末。醋煮米糊圓。如梧子大。每服五十圓。加至七十圓。空心米飲下。

秘方養臟湯治同上。方見後

大已寒圓虛冷者效。方見瀉瀉類

薑茶圓止休息痢大效。

乾薑炮 建茶各一兩

右以烏梅取肉圓。如梧子大。每服三十圓。食前米飲下。

〔毒痢〕茜根圓治毒痢及蟲注。下血如豚肝。心煩腹痛。又脉或大或小。浮焰而起。下血如豚肝。五內切痛。此因服五石湯圓。逼損陰氣。甚則其血自百脉經絡而來。注下成蟲毒。此爲難治。

茜根 川升麻去蘆 犀角 地榆 黃連 當歸去蘆

枳殼去穢 白芍藥

右等分爲末。醋糊圓。如梧子大。每五十圓。米飲空心下。

魚酢湯治痢下五色膿血。或如爛魚腸。並無大便。腸中攪痛不可忍。呻吟叫呼。聲聞於外。

粉霜研 輕粉 朱砂研 礞砂研去砂石 白丁香各一錢 乳香半錢

巴豆二七個去殼不去油

右爲末。蒸棗肉爲圓。嬰孩三圓。如粟米大。二三歲四五歲。如麻粒大。每用三四圓。並旋圓煎酢湯吞下。仍間服調胃藥。此證緣久積而成。故小兒多有之。

〔蟲疰痢〕羚羊角圓治下血黑如鷄肝色相似。時發渴者。

羚羊角一兩半 宣黃連二兩 白茯苓一兩 黃柏一兩半去黑皮

右爲末。煉蜜圓如桐子大。每服五六十圓。臘茶送下。病危者復生。若血鮮滑泄不固。欲作厥狀。此

藥不可服。當灸臍下氣海關元二穴。更服玉華白丹。方見瘡冷類

參附湯

人參 綿附炮去皮臍 肉豆蔻微火燉裂

右剉散。每服二錢。水盞半。生薑七片。棗二枚煎。食前服。

〔腹痛不止〕薑茶方治痢下腹痛。肚皮熱。手不可近。

右用生薑切碎。如粟米大。草茶相等。煎服效。又方煮茶。白痢用蜜。赤痢用薑。未效。用真人養臟湯

再加揚芍藥當歸立止。方見泄瀉類

香連圓治冷熱下痢。腹痛甚。肛門所泄皆熱。方見泄瀉類

木香勻氣散治宿冷不消。氣滯腹痛。用紫蘇湯調下。未效。用乳香沒藥湯調服。方見諸痢類

〔瘧痢〕六和湯治夏月冒暑。瘧痢俱作。瘧則間日而寒。戰掉煩躁難禁。當發瘧之時。痢或暫止。痢則

腹痛。晝夜頻數。又胸滿乾嘔。食藥莫下。以此藥治之。用生薑三片。烏梅一個。紅棗二枚。麥門冬二十

粒去心煎。仍間服香連圓。米飲下。未效。用五苓散消暑圓。仍多服加減清脾湯。更用勝金圓斷之。

方見傷暑泄瀉中。暑孩瘧類

〔痢風〕加味敗毒散治痢手足拘攣疼痛。加檳榔木瓜。虛人五積散合和。生薑紅棗煎。方見傷寒陰證類
大防風湯祛風順氣。活血脉。壯筋骨。逐寒濕冷氣。又治患痢後脚痛癱弱。不能行履。名曰痢風。或兩膝腫大痛。脾脛枯腊。但存皮骨。拘攣跼臥。不能屈伸。名曰鶴膝風。服之氣血流暢。肌肉漸生。自然行履如故。

熟乾地黃焙 白朮各二兩 羌活去蘆 人參去蘆各一兩 川芎洗

附子炮去皮臍三個一兩半 防風去蘆二兩 牛膝去蘆酒浸切微炒一兩

川當歸洗去蘆酒浸焙炒二兩 黃芩去蘆微炒 杜仲去粗皮炒 白芍藥各二兩 甘草炙一兩

右剉散。每服五錢。水一盞半。生薑七片。大棗一枚。煎八分。空腹溫服。

郁李圓治痢後風手足不能屈伸。或麻豆證傳變。手足筋脉急。亦能治之。

郁李仁 枳殼 川獨活 鰲甲醋炙

右等分爲末。木瓜湯調下。酒亦可。

又方治脚手皆腫。不能行步。

川烏 赤芍藥 蒼朮酒浸 土朱

右爲末。糊圓如梧子大。引子同上。

〔通治〕木香散住腹痛痢。

南木香五錢 地榆一兩 黃連七錢 青皮去穢 赤芍藥 枳殼煨去穢

乳香 甘草各五錢

右爲末。每服二錢。熟湯調服。

黑豆散

小黑豆炒 川練子 烏梅 甘草 乾薑 罌粟殼二個去穢

右剉散。煎至七分。將紗濾過。捩自然汁。空腹服。

當歸散住瀉痢。

地榆 陳皮 罌粟殼去穢 當歸去尾 赤芍藥 甘草

肉豆蔻煨 加黃連

右等分爲末。每服二錢。冷水調服。

獨神圓治痢神效。

罌粟殼十兩重分作三分去穢及蒂專一分醋炒一分生用一分蜜炙

右爲末。用蜜圓如小指頭大。紅痢。生地黄春茶煎湯嚼下。白痢。烏梅甘草節。但爲末二錢。陳米鹽梅湯亦效。

神應散治痢緊嚴絕妙。

金罌草梗 肉豆蔻 訶子 罌粟殼去蒂 地榆 甘草
當歸去尾 茯苓 白朮 枳殼去穢 烏梅各一兩 丁香

木香住痛各五錢 陳皮一兩取紅生血若紅痢勿用

右爲圓或末。五花痢用春茶陳皮煎湯下。如是末。用蜜一匙。春茶烏梅煎湯調服。

又方

金罌華葉及子 罌粟殼去穢及蒂專醋炒

右爲末。用蜜圓如手指大。湯引同上。

秘方養臟湯治五色痢經驗。

陳皮去白 枳殼去穢 黃連去鬚 南木香 烏梅去核各五錢重 罌粟殼去穢膜蜜炒一兩半

厚朴去粗皮 杏仁去尖 甘草各五錢重
 右剉散。五色。黑豆。棗子煎。紅痢。生地。黃春茶。甘草節煎服。五色久不效。加龍骨赤石脂人參揚芍藥各一兩。為末。蜜圓。烏梅甘草湯下。粟米飲亦可。立效。

大阿膠圓治發熱下痢。腹痛至甚。肛門痛欲絕者。

當歸 阿膠炒 豆蔻煨 龍骨 赤石脂 大艾
 黃連各半兩 木香 乳香別研五錢 白礬枯一分
 右為末。鹽梅肉圓。每服三十圓。如梧子大。陳米飲下。

四物湯治血痢。方見婦人科通治類

駐車圓治同上。方見前

九聖圓治下痢赤白。日夜無度。裏急外重緊痛。服之特效。

罌粟殼去蒂膜米醋炒一兩重 川烏炮去皮臍 黃連去鱗 南木香 北赤石脂
 枯礬 肉豆蔻火煨 乾薑 白茯苓去皮各五錢重
 右為末。醋煮陳米粉糊為圓。梧桐子大。每服五十圓。空心米飲下。腹痛不止。當歸乳香湯下。又名

緊皮圓。

立效散治同上。

罌粟殼六兩去蒂專礬蜜炒赤 當歸一兩 芍藥 榴皮 地榆各二兩
 甘草一兩

右剉散。每服三錢。水一盞同煎。溫服。

大斷下圓治久痢不止。方見泄瀉類

沒石子圓治臟氣虛弱。大腸滑泄。次數頻併。日漸羸瘠。不進飲食。或久患赤白痢脾瀉等疾。並皆治之。

白朮 白茯苓各三錢 白薑切作片略炒 訶子紙裹炮取皮 赤石脂別研 丁香不見火各二錢
 肉豆蔻炮 沒石炮

右和勻。用湯泡蒸餅為圓。小梧桐子大。每服三四十圓。米飲吞下。粥食前一日三四服。棗肉圓亦可。

荆芥湯治白痢血痢。或婦人血崩。

荆芥

楮樹皮

右等分剉散。治血崩。每服二錢。水一盞。煎至七分。去滓放溫服。如血痢。則爲末冷醋調。徐徐呷服。白痢熱醋調下。神效不可具述。

香茸圓治下痢危困。

麝

半錢別研
臨時入

鹿

茸一兩火燎
去毛酥炙

右鹿茸爲末。方入麝香。以燈心煮棗肉圓。如梧子大。每服五十圓。空心服。每料加滴乳香半兩尤效。有人苦痢疾。凡平時所用罌粟殼之類。不可向口。往往不救而死。唯服此等藥或沒石子圓作效。

平胃散治血痢。

右秤一兩。入川續斷粗末二錢半拌勻。每服二錢。水一盞。煎七分服。方見脾
胃類

樗白皮散治下痢諸藥不效。

樗白皮一握。粳米五十粒。葱白一握。甘草一二寸。豉二合。水一升。取半升頓服。小兒量大小加減。百中散治一切痢不問赤白。或一日之間一二百行。不一服便疏。再二三服即愈。

罌粟殼二兩半去上下蒂及穢到
成片子蜜炒令赤色淨秤

厚

朴二兩半去粗皮淨秤用生薑
汁淹一宿炙令薑汁盡爲度

右爲末。每服二三錢。米飲調下。忌生冷油膩魚鮓毒物。

酸石榴皮散治同上。

石榴皮

陳皮

甘草

川當歸

罌粟殼去蒂
各半兩

右剉散。用水十盞。煎取三盞。次用下藥。

茯苓七分

粉草七分

北五味子七個

右爲末。將前藥汁入此三味。再煎五七沸。去滓空心溫服。甚者不過兩劑。輕者一劑立效。

乳香散治痢疾甚者。數服止。

人參

白朮

當歸

地榆

阿膠各一
分

蚌粉炒黃

甘草各一
錢

乳香少許

肉豆蔻二個
裏煨

右剉散。每服三錢。水一盞。煎至七分。去滓溫服。仍兼服來復丹。方見痢
冷類

加減木香煮散治一切痢神妙。

木香

甘草

當歸

肉豆蔻

人參

官桂

揚芍藥

訶子

烏梅去核

阿膠炒粉

白茯苓各五錢

罌粟殼一兩半去蒂
粵糧切蜜炒

右劉散。每服四錢。水一盞半。生薑三片、紅棗二枚同煎。去滓空腹服。

加味四君子湯治久患痢疾。服藥已多。而疾不愈。且治痢多是攻擊臟腑之藥。轉覺難安。宜用輕清和氣之藥即愈。

人參

白朮

白茯苓

川芎

黃耆

甘草

罌粟殼製同上

右各等分劉散。每服三錢。水一盞半。生薑三片、棗子一枚、烏梅一個煎。溫服。

蒲黃散治婦人胎前產後赤白痢。

生薑自然汁

年少者十兩
老者二十兩

鴨

子一個打碎入
薑汁內攪勻

右二味煎至八分。入蒲黃三錢煎五七沸。空心溫服效。

又方治痢無問赤白。

玄胡索不以多少。新瓦上炒過。爲末。每服二錢。米飲調下。只一服取效。

又方治暑毒濕氣下痢。

雄黃一味。乾蒸。研爲末。甘草湯調服即效。

灸法 泄痢食不消。不作肌膚。灸脾膈隨年壯。其穴在第十一椎下兩傍各去一寸半。

泄痢不禁。小腹絞痛。灸丹田百壯。其穴在臍下一寸。又灸臍中一二十壯。灸關元穴百壯。

泄痢不嗜食。雖食不消。灸天樞三報。穴在俠臍相去五寸。一名循際。

秘 澀

〔小便不通熱證〕八正散治心經邪熱。小便赤澀不通。加燈心枳殼車前草地膚子煎。方見積熱類。
所加並半兩。

五苓散治小便不通。壅上心滿。燈心十莖、車前草二根煎湯調。方見傷
暑類

通心飲治心經有熱。昏焦面赤發熱。小便不通。每服四錢。水一盞半。燈心十莖、滑石末一匕、麥門冬

二十粒、桑白皮七寸煎。去滓。再入生車前草汁一合攪勻服。方見小方
科諸熱類

瓜萋散治腹脹小便不通。

瓜萋仁不以多少。爲末。每服三錢。溫酒調。不飲。用米湯頻服。通爲度。

〔虛證〕八味圓治腎虛小便秘澀不通。或過服涼藥者。每服五十圓。溫鹽湯下立效。方見虛損類
附子散治小便不通。兩尺脉俱沉微。乃陰虛故也。用淋閉通滑之劑不效者。

綿附子一兩重炮去皮鹽水內浸良久 澤瀉不蛀者一兩重

右剉散。每服四錢。水一盞半。燈心七莖煎。隨通而愈。

琥珀散治老人虛人心氣閉塞。小便不通。

琥珀一味。爲末。每服一錢。濃煎人參湯下。有驗。

利氣散治老人氣虛。小便閉塞不通。

綿黃耆去鹽 陳皮去白 甘草各等分

右剉散。每服三錢。水一盞煎服。自然流通。

參耆湯治心虛客熱乘之。小便澀數。數而瀝。

赤茯苓七分 生乾地黄 綿黃耆去鹽 桑螵蛸微炙 地骨皮去骨各半兩 人參去鹽

北五味子去梗 兔絲子酒浸研 甘草炙各二錢半

右剉散。每服新水一盞煎。臨熟入燈心二十一莖。溫服。

〔轉胞〕滑石散治胞爲熱所迫。或忍小便。俱令水氣迫於胞。屈辟不得充張。外水應入不得入。內澀應出不得出。小腹急痛。不得小便。小腹胀。不治害人。

寒水石二兩 白滑石一兩 葵子一合 亂髮灰 車前子 木通去皮節各一兩

右剉散。水一斗。煮取五升。時時服一升卽利。

八味圓治虛人下元冷。胞轉不得小便。膨急切痛。經四五日。困篤欲死。每服五十圓。鹽湯下。方見虛損類
葱白湯治小便卒暴不通。小腹膨急。氣上衝心。悶絕欲死。此由暴氣乘膀胱。或從驚憂。氣無所伸。鬱閉而不流。氣衝胞繫不正。

陳皮三兩 葵子一兩 葱白二莖

右剉散。水五升。煮取二升。分三服。

洗方治胞轉小便不能通。先用

良薑 蔥頭 紫蘇莖葉各一握

右煎湯。密室內熏洗小腹外腎肛門。留湯再添。蘸綿洗。以手撫於臍下。拭乾。綿被中仰坐垂脚。自舒其氣。次用

蜀葵子二兩

赤茯苓

赤芍藥

白芍藥各半

右剉散。每服三錢。煎取清汁。再暖。乘熱調蘇合香圓三圓。并研細青鹽半錢。食前溫服。

又法炒鹽半斤。囊盛熨小腹。

葱熨法治小便難。小腹脹。不急治殺人。用葱白三斤。細剉炒令熟。以帕子裹。分作兩處。更替熨臍下即通。

〔大便不通風秘〕脾約麻仁圓治風秘脾約證。小便數。大便秘。

大黃

赤芍藥

枳殼炒各一兩

厚朴半兩薑汁炒

麻仁一兩研

杏

仁去皮尖一兩別研

右爲末。煉蜜圓如梧子大。每服三十五圓。溫水吞服。枳殼散溫水調送下尤妙。方見婦人科護胎類

皂角圓專治有風人臟腑秘澀大效。

豬牙皂角

厚枳殼去穢

羌活

桑白皮

檳榔

杏

仁製同上另研

麻仁別研

防風

川白芷

陳皮去白

右等分爲末。蜜圓如梧子大。每服三十五圓。溫水吞下。蜜湯亦可。又方皂角圓治大腸有風。大便秘結。尊年之人宜服。

皂角炙去子

枳殼去穢

右等分爲末。煉蜜圓如梧子大。每服七十圓。空心食前。米飲送下。

疏風散治風毒秘結。

枳殼製半兩

防風

羌活

獨活

檳榔

白芷

威靈仙

蒺藜炒赤去刺

麻仁炒另研

杏仁湯洗去皮尖炒另研

甘草炙各一兩

右剉散。每服二錢半。生薑五片。蜜一匙。水一盞半煎服。

枳殼圓治腸胃氣壅風盛。大便秘實。

皂角去皮弦子炙

枳殼炒

大黃

羌活

木香

橘紅

桑白皮

香白芷各等分

右爲末。煉蜜圓如梧桐子大。每服七十圓。空心米飲下。

又方只用枳實皂角等分爲末。飯飲爲圓亦妙。治法湯引同上。

順氣圓治三十六種風。七十二般氣。上熱下冷。腰脚疼痛。四肢無力。惡瘡下疳。疏風順氣。專治大腸秘澀。眞良方也。

大黃 五兩半生用
牛濕紙裏煨

山藥 刮去皮
二兩

山茱萸肉

麻子仁 微炒退殼
二兩另研

郁李仁 炮去
皮研

兔絲子 酒浸
炒

川牛膝 酒浸一宿
各二兩

防風

枳殼 炒

川獨活 各一
兩

檳榔 二兩

車前子 二兩
半

右爲末。煉蜜爲圓。如梧桐子大。每服二三十圓。用茶酒米飲任下。百無所忌。平旦臨臥各一服。久服自然精神強健。百病不生。

搜風散治大便秘結。

青皮 去白

威靈仙 去頭洗
各二兩

大黃 一兩
生

大戟 一兩

牛蒡子 四兩新
瓦上炒

右爲末。每服一錢。人壯實每服三錢。蜜酒調服畢漱口。

二仁圓專治虛人老人風秘。不可服大黃藥者。

杏仁 去皮尖
數炒黃

麻仁 各另
研

枳殼 去穢
炒赤

訶子 慢火炒
搗去核

右等分末。煉蜜圓如梧子大。每服三十圓。溫水下。

〔氣秘〕三和散 方見諸
氣類

四磨湯治氣滯腹急。大便秘澀。

大檳榔

沉香

木香

烏藥

右四味於搗盆內各磨半盞。和勻溫服。有熱者加大黃枳殼。名六磨湯。

蘇子降氣湯治氣不下降。大便不通。加枳殼杏仁。 方見諸
氣類

橘杏圓治氣秘。老人虛弱人皆可服。

橘紅 取末

杏仁 湯浸去皮
尖另研

右各等分。煉蜜圓如梧子大。每服七十圓。空心米飲下。

蘇麻粥此藥順氣滑大便。

紫蘇子 麻子仁

右二味不拘多少。研爛水瀝取汁。煮粥食之。

小通氣散治虛人憂怒傷肺。肺與大腸爲傳送。致令秘澀。服燥藥過。大便秘亦可。用。

陳皮 去白

蘇嫩莖葉

枳殼 去穢

木通 去皮
節

右等分剉散。每服四錢。水一盞煎。溫服立通。

〔積滯秘結〕脾積圓治飲食停滯。腹脹痛悶。嘔惡吞酸。大便秘結。

蓬莪朮三兩 京三棱二兩

良薑半兩已上用米醋一升於磁瓶內煮乾乘熱切碎焙

青皮去白

南木香半兩

不蛀皂角三大錢燒存性

百草霜村莊家鍋底者佳

右末用川巴豆半兩。只去殼。研如泥。漸入藥末研和。麵糊圓。麻子大。每服五十圓。加至六十圓。橘皮煎湯送下。

木香逐氣圓治食積氣滯。通利大便。兼治脚氣小腸氣。諸氣攻刺腹痛。

橘紅 青皮去白

檳榔鷄心者各半兩

南木香二錢半

川巴豆肉一錢半研如泥漸入藥夾研

右爲末。生薑自然汁調神麩末爲糊圓。如麻子大。每服十圓。薑湯下。如氣攻腹痛。枳殼木瓜煎湯下。

感應圓治飲食所傷。三焦氣滯。大便秘澀。

百草霜用村莊家鍋底上者細研二兩

新揀丁香一兩半

杏仁去雙仁陳肥者一百四十個去尖湯浸一宿去皮別研極爛如膏

南木香去蘆頭二兩半

肉豆蔻去粗皮用滑皮仁二十個

川乾薑炮製一兩

巴豆七十個去皮心膜研細出盡油如粉

右除巴豆粉百草霜杏仁三味外。餘四味擣爲末。與三味同拌研令細。用好蠟置和。先將蠟六兩溶化作汁。以重綿濾去滓。更以好酒一升於銀石器內煮蠟。溶滾數沸傾出。候酒冷。其蠟自浮於上。取蠟秤用。凡春夏修合。用清油一兩。於銚內熬令末散香熟。次下酒煮蠟四兩化作汁。就鍋內乘熱拌和前項藥末。秋冬修合。用清油一兩半。同煎煮熱作汁。和蠟置藥末成劑。分作小錠子。以油單紙裹之。旋圓服餅。

〔虛秘〕半硫圓治年高冷秘。及痲痺冷氣。

生硫黃 半 夏等分

右爲末。生薑自然汁煮麵糊爲圓。如梧子大。每服三十圓。空心飯飲下。酒亦可。

金液丹治大便挾冷結滯。用麻仁杏仁煎湯下。傷寒陰結亦用。方見癩冷類

威靈仙圓治年高氣衰。津液枯燥。大便秘結。

黃耆蜜炙 枳實 威靈仙

右等分爲末。用蜜圓如梧子大。每服五七十圓。薑湯熟水下。一方用防風。無黃耆。忌茶。

五仁圓治精液枯竭。大腸秘澀。傳導艱難。

桃仁 杏仁炒去皮各一兩 柏子仁半兩 松子仁一錢二分半 郁李仁一錢炒 陳皮四兩另爲末

右將五仁別研爲膏。入陳皮末研勻。煉蜜爲丸。如梧子大。每服五十圓。空心米飲下。

潤腸圓治發汗利小便。亡津液。大腑秘。老人虛人皆可服。

沉香另研 肉蓯蓉酒浸焙

右爲末。用麻子仁汁打糊爲圓。如梧子大。每服七十圓。空心米飲送下。

又方治大便秘澀。連日不通。

麻子仁一盞半細研用水浸瀝去皮取濃汁

脂麻牛蓋微炒用水浸取濃汁

桃仁湯洗去皮訣炒黃研如泥

荆芥穗搗末各一兩

右用前藥。入鹽少許同煎。可以當茶飲之。以利爲度。

葱白散治老人大便不通。

葱白二莖 阿膠一片

右以水煎葱。候熟不用。却入阿膠溶開。溫服。

胃氣圓治老人胃寒氣怯。大便反秘。每服五十丸。米飲空腹下。未效。生薑自然汁著熱水少許吞下。

方見霍亂類

黃耆湯治年高老人大便秘澀。

綿黃耆 陳皮半兩

右爲末。每服三錢。用大麻仁一合爛研。以水投取漿水一盞。瀝去滓。於銀石器內煎。候有乳起。即入白蜜一大匙。再煎令沸。調藥末空心食前服。秘甚者。不過兩服愈。常服即無秘澀之患。此藥不冷不燥。其效如神。

〔熱秘〕神功圓治氣壅風盛。大便秘澀。後重疼痛煩悶。此藥當量虛實加減。

大黃四兩煨 人參二兩 訶子皮四兩 麻仁二兩

右爲末。煉蜜丸如梧子大。每服二十九。溫湯酒米飲任意下。食後臨臥服。

檳榔圓治大腸實熱。氣壅不通。心腹脹滿。大便秘結。

檳榔 大黃蒸 麻子仁炒去殼 枳實炒 羌活去蘆 牽牛炒
杏仁去皮尖炒 白芷 黃芩各一兩 人參半兩

右爲末。煉蜜丸如梧子大。每服四十丸。空心熟水下。

四順清涼飲治同上。每服三錢。水一盞半。燈心十莖。枳殼十片去穢煎。立效。方見積熱類

小三黃圓治熱證大便秘結。每服三十圓。溫水下。方見積熱類

小柴胡湯治傷寒陽結。能食而大便不下。方見傷寒陽證類

〔濕秘〕檳榔散治腸胃有濕。大便秘澀。

檳榔 不拘多少

右爲末。每服二錢。用蜜湯點服。不以時候。

香蘇散多加枳殼檳榔亦效。方見傷寒和解類

〔通治〕甘遂散治大小便不通。

右以甘遂二兩赤皮者爲末。煉蜜二合和勻。每一兩重。分作四服。日進一服。蜜水下。未知。日二服。漸加之。

又方葵子末三合。青竹葉一把。水一升。煮五沸。頓服。

又方葵子末三合。水一升。煮。去滓分作二服。猪脂二兩。空心。

又方治大小便關格不通。經三五日者。用不蛀皂角燒灰。米湯調下即通。

又方猪脂二兩。水一升。煮三沸。飲汁立通。

八正散治同上。方見積熱類

推車散治大小便秘。經月欲死者。

推車客 七個 土狗 七個

如男子病推車客用頭土狗用身
如女子病土狗用頭推車客用身

右新瓦上焙乾爲末。用虎目樹皮向南者。濃煎汁調。只一服。經驗如神。

又掩臍法治大小便不通。用連根葱一莖。帶土不洗。以生薑一塊。淡豉二十一粒。鹽二匙同研爛。捏餅烘熱。掩臍中。以帛扎定。良久氣透自通。不然再換一劑。

〔通治大便不通〕大潤腸圓大便秘澀通用。

杏 仁 去皮尖 微炒 枳 殼 浸去穢炒 麻 仁 陳 皮 各半 兩 阿 膠 炒 防 風 各二錢半

右爲末。煉蜜丸。梧桐子大。每服五十丸。老者蘇子煎湯下。壯者京芥泡湯下。

獨棗湯治大便積日不通。

大好棗 一枚擘開入 輕粉半錢

右以棗相合。麻線扎縛。慢火煮熟。嚼細。以棗汁送下。

敷藥治閉結至亟。昏不知人。生大螺一二枚。以鹽一匕。和殼生搗碎。置病者臍下一寸三分。用寬帛

緊繫之。即大通。未效。烏柏木根三寸。研井水服亦效。就多研爛敷臍下亦可。

蜜兌法 蜜三合。入豬膽汁兩枚在內。煎如飴。以井水出冷。候凝。撚如指大。長三寸許。納下部立通。活人書單用蜜。一法入皂角末。在人酌酌用。一法入薄荷末代皂角用尤好。又或偶無蜜。只嚼薄荷。以津液調作挺。用之亦妙。

煨蒜方 獨頭蒜煨熟去皮。以綿裹納後部即通。

熏方 不蛀皂角用碗燒。置於桶內熏其後部。自通。

老人臟腑秘。不可用大黃。老人津液少。所以臟腑秘澀。更服大黃以瀉之。津液皆去。定須再秘甚於前。只可服寬潤大腸之藥。更用槐花煎湯淋洗亦效。更有老人發熱。而大腑秘澀。或因多服丹藥。脾胃虛弱。蒸化不行。遂為臟腑積熱。須用神保圓。得通瀉一行。熱亦即退。

脹滿

〔風寒暑濕脹〕大正氣散治脾胃怯風寒濕氣。傷動冲和。心腹脹滿。有妨飲食。

厚朴薑製炒

藿香葉

半夏湯泡七次

橘紅

白朮各一兩

甘草炙

檳榔

桂枝不見火

枳殼去穢炒

乾薑炮各半兩

右剉散。每服四錢。水一盞半。生薑五片。棗子二枚。煎至七分。去滓。不以時溫服。

平肝飲子治喜怒不節。肝氣不平。邪乘脾胃。心腹脹滿。連兩脇妨悶。頭暈嘔逆。脉來浮弦。

防風去蘆

桂枝不見火

枳殼去穢炒

赤芍藥

桔梗去蘆炒各一兩

木香不見火

人參

檳榔

當歸去蘆酒浸

川芎

橘紅

甘草炙各半兩

右剉散。每服四錢。水一盞。薑五片。煎七分。不拘時溫服。

五膈寬中散治七氣流滯。飲食不下。氣滿膨脹。方見五膈類

木香流氣飲調榮衛。利三焦。行痞滯。消脹滿。方見諸膈類

附子粳米湯治憂怒相乘。神志不守。思慮兼並。擾亂臟氣。不主傳導。使諸陽不舒。反順為逆。中寒氣脹。腸鳴切痛。胸脇逆滿。嘔吐不食。

附子一個生去皮臍虛人略炮

半夏湯洗七次

粳米各三錢半字

甘草炙一分

乾薑一分去皮

右剉。每服二錢。水二盞。棗三個。煎至七分。去滓食前服。

溫胃湯治憂思聚結。脾肺氣凝。陽不能正。大腸與胃氣不平。脹滿衝咳。食不得下。脉虛而緊澀。

附子炮去皮臍 當歸 厚朴去粗皮 人參 橘皮 白芍藥
 甘草炙各一兩 乾薑一兩 川椒炒出汗去合口者三分

右剉散。每服四大錢。水二盞。煎七分。去滓食前服。

沉香降氣湯治中脘脹滿。時復脇肚痛楚。每噫則覺氣快。氣不噫則悶。漸覺面浮。磨檳榔入紫蘇同煎。下神保丸五七圓。二方並見諸氣類

〔穀脹〕大異香散治失飢傷飽。痞悶停酸。早食暮不能食。名穀脹。

京三棱 蓬朮 青皮 陳皮 半夏麴 藿香
 北梗 益智仁 枳殼製 香附子炒各半兩 甘草炙三分

右剉散。每服三錢。水盞半。薑五片。棗二枚煎服。

葶澄茄圓治痞滿脹痛。穀脹氣脹通用。

葶澄茄 白豆蔻仁 縮砂仁 青皮 蘿蔔子 木香各二分
 肉豆蔻煨 茴香炒 辣桂 丁香各一分半 陳皮三分

右爲末。麵煮稀糊丸。梧桐子大。每服三十九丸。陳皮湯下。

〔水脹〕大半夏湯治脾土受濕。不能制水。水漬於腸胃。溢於皮膚。漉漉有聲。怔忡喘息。名水脹。

半夏湯洗 陳皮 茯苓 桔梗 檳榔 甘草各等

右剉散。每服三錢。水一盞半。生薑三片煎。溫服。

青木香圓治同上。方見諸症類

〔血脹〕人參芎歸湯治煩燥嗽水。迷忘驚狂。痛悶喘息。虛汗厥逆。小便多。大便黑。名血脹。

當歸 半夏製同上三分 川芎一兩 蓬朮煨 木香 縮砂仁
 烏藥 甘草炙各半兩 人參 辣桂去粗皮 五靈脂炒各一分

右剉散。每服三錢。薑五片。棗二枚。紫蘇四葉煎。食前服。

〔熱脹〕七物厚朴湯治腹滿發熱。以陽并陰。則陽實陰虛。陽盛生外熱。陰虛生內熱。脉必浮數。浮則爲虛。數則爲熱。陰虛不能宣導。飲食如故。致脹滿者。爲熱脹。

厚朴薑汁炒一兩 甘草炙 大黃蒸各三錢三字 枳實炒去穢半兩 桂心一分
 右剉散。每服四錢。水盞半。生薑七片。棗三枚。煎至七分。食前服。嘔加半夏。利者去大黃。寒多則加生薑十片煎。

推氣圓治三焦痞塞。氣不升降。胸膈脹滿。大便秘澀。小便赤少。並宜服之。

- 大黃
- 陳皮
- 檳榔
- 枳去穢
- 黃芩
- 黑牽牛生用各等分

右爲末。蜜丸。如梧桐子大。每服五七十丸。臨臥以溫熱水下。更量虛實加減。
〔寒脹〕朴附湯治老人虛人中寒下虛。心腹膨脹。不喜飲食。脉來浮遲而弱。此名寒脹。

附 子炮去皮 厚 朴薑製炒

右等分剉散。每服四錢。水二盞。生薑七片。紅棗二枚。煎至八分。去滓溫服。不拘時候。加少木香尤佳。

順氣尤香散治氣不升降。嘔逆惡心。胸膈痞悶。脇肋脹滿。及酒食所傷。噎氣吞酸。心脾刺痛。大便不調。面色萎黃。肌肉消瘦。不思飲食。兼婦人血氣刺痛。及一切冷氣。並治之。

丁 皮不見火 縮砂仁 良 薑去蘆 肉 桂去粗皮 乾 薑炮 甘 草炙

陳 皮去白 厚 朴去粗皮薑汁炙 蒼 朮米泔浸炒 桔 梗去蘆 茴 香炒各三兩

右剉。每服二錢。水一盞。生薑三片。棗二枚。煎至八分。稍熱。不拘時。或入鹽少許。沸湯點服。寬中順氣。和胃進食。

〔食脹〕強中湯治脾胃不和。食啖生冷。過飲寒漿。多致腹脹。心下痞滿。有妨飲食。甚則腹痛。

乾 薑炮去土 白 朮各一兩 青 皮去白 橘 紅 人 參 附 子炮去皮

厚 朴薑製 甘 草炙各半兩 草果仁 丁 香各三兩

右剉散。每服四錢。水一盞半。生薑五片。大棗二枚。煎至七分。去滓溫服。不拘時。嘔者加半夏半兩。或食麵致脹滿。加蘿蔔子半兩。

溫中散治虛人老人喜啖生冷。多致腹脹。心下痞滿。有妨飲食。或刺痛泄利。氣痞滯悶。

厚 朴去皮細剉 甘 草細剉 生 薑洗切 青州棗切各等分

右以厚朴甘草搗令得所。方入生薑再杵令勻。取出。同棗焙令溼漚微燥。却入鍋內慢火炒至紫色。再焙乾爲末。每服一大錢。擦生薑少許。沸湯點。空腹。以和爲度。氣味甚美。兼能愈疾。又易修合。

桂香圓治大人小兒過食雜果。腹脹氣急。

肉 桂不見火一兩 麝 香另研一錢

右爲末。飯丸如菉豆大。大人十五圓。小兒七圓。不拘時候。熟水送下。未痊再服。

獨聖散治脾胃不足。過食瓜果。心腹堅脹。痛悶不安。

鹽 五合

右用水一升煎消頓服。自吐下即定。或因食麥令人腹脹。暖酒和薑汁。飲一兩杯即消。

感應圓治積食停滯。脾胃作脹。方見秘

北亭圓治稟受怯弱。脾胃易傷。因此積聚。中脘脹滿。心腹堅硬。疴痛攻衝。牽引小腹。如蟲之狀。方見虛

溫白圓治心腹積聚。九癥癖塊。腹脹。心下堅結。大如碗。傍攻兩脇。心痛積年。食不消化。

吳茱萸湯洗七次焙炒

桔 梗

柴 胡去蘆

菖 蒲

紫 苑去苗葉土

黃 連去蠟

乾 薑炮

肉 桂去粗皮

茯 苓去皮

蜀 椒去目及閉口者炒出汗

人 參去蘆

厚 朴去粗皮薑汁製

巴 豆去皮心膜出油炒研已上各半兩

川 烏炮去皮謬二兩半

皂 莢去皮子炙半兩

右爲末。入巴豆令勻。煉蜜圓。如梧子大。每服三十九丸。紫蘇湯下。取下積滯如魚腦爛綿而安。

〔鼓脹〕嘉禾散四柱散治脾胃虛憊。腹脹如縷鼓。氣吁喘促。食後愈甚。方見脾胃類。四柱散方見泄瀉類。

厚朴橘皮煎治傷冷滯下。腹肚脹。其狀如覆栲栳。喘息奔急。鼻張口吐。氣上下不得分泄。

厚 朴去粗皮薑製三兩

枳 殼欬炒

乾 薑炮

良 薑切各一兩二錢

青 皮去白

陳 皮去白

肉 桂去粗皮

全 蝎去尾足毒斟酌分兩

右爲末。醋糊圓。如梧子大。每服三十九丸。生薑橘皮湯吞下。或紫蘇湯下。

三棱煎圓青木香圓治心腹堅脹喘滿。短氣緊促。噫氣不通。飲食不消。或嘔逆吐痰。或腸中水聲。大便或秘或泄。二藥合和。每服三十圓。食後米飲下。方見諸氣諸疝類

四炒枳殼圓主腹脹鼓疾。

枳 殼去穢四兩切作片子分四處炒

右分作四分。每分一兩。一分用剉碎蒼朮一兩同炒。一分用蘿蔔子一合同炒。一分用乾漆一兩同炒。一分用茴香一兩同炒。各以枳殼黃爲度。只取枳殼一味爲末。却將蒼朮等四味。用水二碗。煮至一碗半。去滓取汁。煮麵糊爲丸。如梧桐子大。每服五十丸。食後米飲下。

氣針圓專治氣膨。

全 蝎去毒并足

木 香

丁 香不見火

胡 椒

肉豆蔻煨各一兩

片子薑黃

青 皮去白各二兩

右爲末。用蘿蔔子炒淨退殼。取仁四兩爛研。和藥令勻。紅酒生薑汁各少許。煮糊丸。如梧子大。每服四五十圓。紫蘇陳皮湯下。不以時候。

大方脉雜醫科 脹滿

二九九

丁沉透膈湯治氣滿不食。腹中膨脹刺痛。方見脾胃類

導氣圓治諸痞塞關格不通。腹脹如鼓。大便結秘等證。又腎氣小腸氣等。功效尤速。

青皮水蛭等分同炒赤去水蛭

莪朮蝨蟲等分同炒去蝨蟲

胡椒茴香炒去茴香

三棱乾漆炒去乾漆

檳榔斑貓炒去斑貓

茱萸牽牛炒去牽牛

赤芍川椒炒去川椒

石菖蒲桃仁炒去桃仁

乾薑礞砂炒去礞砂

附子青鹽炒去鹽

右各剉碎。與所註藥炒熟。去水蛭等不用。祇以青皮等十味為末。酒糊丸。如梧子大。每服五十丸。加至七十圓。空心。紫蘇湯吞下。

熨法治腹脹緊如鼓。澀如木皮樣。

杜烏藥

荊芥

蒼朮

茵草

山茵陳

夏蠶沙

松毛

樟根葉

北蒜

螃蚩葉

橘葉

椒目

烏豆

赤豆

藟各等分

右剉細。分作二次炒熱。以布袋盛熨腫處。冷又炒。熨三四十度。或後用煎水熏洗。或服神保圓。微瀉。去其氣。

敷藥治腹緊硬如石。或陰囊腫大。先用熱水嚼甘草。後用

大戟

芫花

甘遂

海藻

各等分

右為末。醋調塗。或用白麵和藥。調一片覆肚上。

〔通治〕沉香飲治腹脹氣喘。坐臥不得。

沉香

木香

枳殼

各半兩

蘿蔔子一兩炒

右剉散。每服三錢。水一盞半。生薑三片。煎七分溫服。

小檳榔圓治脾虛腹脹。不進飲食。快氣寬中。

蘿蔔子炒

檳榔

黑牽牛炒

木香各半兩

右末。水煮麵糊圓。梧桐子大。每服三十圓。薑湯食前下。

灸法 脹滿水腫。灸脾膈隨年壯。穴在第十一椎下兩傍各去一寸半。

胸滿。心腹積聚。痞痛。灸肝膈百壯。穴在第九椎下兩傍各去一寸半。

腹脹滿。繞臍結痛。堅不能食。灸中守穴百壯。在臍上一寸。一名水分。

脹滿瘦聚。滯下冷疼。灸氣海十壯。穴在臍下一寸五分。

腸中膨脹不消。灸大腸膈四十九壯。穴在第十六椎下兩傍各一寸半。

腸中雷鳴相逐。痢下。灸承滿五寸壯。穴在俠巨闕相去五寸。巨闕在心下一寸。灸之者俠巨闕兩邊各二寸半。

五臟六腑心腹滿。腰背疼。飲食吐逆。寒熱往來。小便利。羸瘦少氣。灸三焦膈隨年壯。穴在十三椎下兩傍各一寸半。

世醫得效方卷第六終

世醫得效方卷第七

大方脉雜醫科

瘡 渴

〔肺瘡〕澄源丹治氣實血虛。熱在上焦。心煩燥渴。引飲無度。小便數。晝夜一二十行。有麩片甜者。此疾多得之。飲啖炙燻。日就羸瘦。咽喉唇口焦燥。吸吸少氣。不能多語。兩脚痠。食倍於常。不為氣力。

牡蠣粉

苦 參

密陀僧

知 母

水

銀以白蠟
半錢結

栝樓根一兩

黃 丹一兩與水
銀砂同研

右為末。男子用雌猪肚一個。女人用雄猪肚一個。入藥在內。以線縫定。用繩縛在新磚上。別用生栝樓半斤。切碎同煮。早晨至午時取藥出。不用栝樓根。只爛研猪肚和藥為圓。如栝桐子大。每服三十粒。食前米湯下。日三服。十日可去病根。

眞珠圓治心虛煩悶。或外傷暑熱。內積愁煩。酣飲過多。皆致煩渴。口乾舌燥。引飲無度。小便或利或

不利。

知母一分 川連一分 苦參 玄參各一兩 鐵胤粉一分 牡蠣一分
 朱砂另研二兩 麥門冬去心 天花粉各半兩 金箔 銀箔二百片 白扁豆煮去皮

右爲末。煉蜜入生栝樓根汁少許。圓如梧子大。用金銀箔爲衣。每服二十圓至三十圓。先用栝樓根汁下一服。次用麥門冬熟水下。病退日二服。忌炙博酒色。次投菴蓉圓補。

菴蓉圓

菴蓉酒浸 磁石煨碎 熟地黃洗 山茱萸去核 黃耆去蘆鹽 澤瀉
 鹿茸去毛切 遠志去心薑汁炒 石斛 覆盆子 五味子去梗 革薺
 破故紙炒 巴戟酒浸 兔絲子酒浸 龍骨 杜仲去皮剉薑汁拌炒斷絲各半兩

附子炮去皮臍一個重八錢

右爲末。煉蜜圓。梧桐子大。每服五十圓。空腹米飲下。

生地黄膏治渴證通用。

生地黄東如常碗大一把 冬蜜一碗 人參半兩 白茯苓去皮

右將地黄洗切研細。以新水一碗調開。同蜜煎至半。次入參苓末拌和。磁器密收。匙挑服。

脾瘠之證。飲食入腹。如湯澆雪。隨小便而出。落於溷僻溝渠中。皆旋結如白脂。肌膚日益消瘦。用熱藥則熱愈甚。用涼藥則愈見虛羸。不能起止。精神恍惚。口舌焦乾。或陽強興盛。不交而泄。其斃不久。無治法。姑錄一二方。聊爲備用。

薑粉散治消中多因外傷瘴熱。內積憂思。喜啖鹹食及麵。致脾胃乾燥。飲食倍常。不爲肌膚。大便反堅。小便無度。

生薑研汁 輕粉

右搜勻。每服二錢匕。長流水調下。齒浮是效。次投附子猪肚圓補。

附子猪肚圓

附子炮去皮臍 檳榔不焙各一兩 鱉甲醋煮七錢半 當歸 知母 木香
 川練子去核 秦艽去苗土 大黃酒蒸 龍膽草 白芍藥 破故紙酒浸炒
 枳殼炒去穢各半兩

右爲末。分作三分。將二分入猪肚內縫定。用蜜酒三升。童子小便五升。同入砂鉢內熬乾爛研細。

入一分末同搜搗爲圓。梧桐子大。每服五十圓。溫酒米湯任下。

白朮散治消中消穀善飢。

人參去蘆 白朮去蘆 白茯苓 甘草炙 藿香葉去土各一兩 白乾葛二兩

木香半兩 加北五味去梗 柴胡去毛 枳殼去穢各半兩

右剉散。每服三錢。新水煎。去滓。不拘時候。

茯神圓治消中煩熱。消穀。小便數。

人參去蘆 茯神去木 生乾地黄去土 黃連淨 麥門冬去心 枳殼去穢

牡蠣粉各一兩 蓮肉去心 黃耆去蘆 知母去毛各半兩 瓜根七錢

右爲末。煉蜜和搗三百杵。圓如梧桐子大。每服五十圓。清粥飲下。

〔腎瘡〕加減八味圓治腎水枯竭。不能上潤。心火上炎。不能既濟。煎熬而生。心煩燥渴。小便頻數。白濁。陰痿弱。飲食不多。肌膚漸漸如削。或腿腫脚先瘦小。宜降心火。生腎水。其煩渴頓止。

熟地黄大者洗焙乾切酒酒蒸七次焙乾秤二兩 眞山藥微炒一兩 山茱萸去核取肉焙乾秤一兩

肉桂去粗皮不見火取末半兩 澤瀉水洗切酒潤蒸一次 牡丹皮去骨 白茯苓去皮爲末飛取沉者各八錢

眞北五味略炒別爲末兩半

右爲末。煉蜜圓。梧桐子大。五更初未言語時。溫酒鹽湯下三五十圓。午前及晚間空腹再服。此方用眞北五味子最爲得力。服此不惟止渴。亦免生癰疽。久服永除渴疾。氣血加壯。

天王補心丹寧心保神。益血固精。壯力強志。令人不忘。清三焦。化痰涎。祛煩熱。除驚悸。療咽乾口燥。育養心氣。

熟地黄洗 人參去蘆 白茯苓去皮 遠志去心 石菖蒲去毛 黑參

柏子仁 桔梗去蘆 天門冬去心 丹參洗 酸棗仁去殼炒 甘草炙

麥門冬去心 百部洗 杜仲薑汁炒斷絲 茯神去木 當歸去尾 五味子去枝梗各等分

右爲末。煉蜜圓。每一兩作十圓。金箔爲衣。每服一圓。燈心棗湯化下。食後臨臥服。作梧子大圓吞服亦可。

鹿茸圓治失志傷腎。腎虛消渴。小便無度。

鹿茸去毛切酒浸炙七錢 麥門冬去心二兩 熟地黄洗淨 黃耆去蘆 鷄臍脰鈔炒 菝葜酒浸

山茱萸去核取肉 破故紙炒 川牛膝去蘆酒浸 五味子各三分 白茯苓去皮 地骨皮去骨各半兩

人參去蘆三分

右爲末。蜜圓如梧子大。每服三十圓至五十圓。米湯下。

雙補圓治腎虛水涸。燥渴勞倦。

鹿角膠二兩

沉香半兩不見火

澤瀉截塊再蒸半兩

覆盆子

白茯苓去皮

人參去蘆

宣木瓜

薏苡仁炒

黃耆炙

熟地黃洗再蒸

菴蓉酒浸焙

兔絲子酒浸蒸焙

五味子

石斛炒

當歸去尾酒浸焙各一兩

生麝一錢別研

右爲末。煉蜜圓。梧桐子大。朱砂爲衣。每服五十圓。空心棗湯送下。

〔丹石毒〕瓜蒌散治盛壯之時。不自謹惜。恣情縱慾。年長腎氣虛弱。惟不能房。多服丹石。真氣既盡。石氣孤立。唇口乾焦。精液自泄。小便赤黃。大便乾實。小便晝夜百十行。須當除熱補虛。

白茯苓去皮

天花粉

宣連

白扁豆

人參去蘆

石膏

甘草節

寒水石

白朮去蘆

豬苓各等分

右爲末。每服二錢。熱湯調服立效。

石子薺芫湯治強中。多因耽嗜色慾。及快意飲食。或服丹石。真氣既脫。藥氣陰發。致煩渴引水。飲食

倍常。陰氣常興。不交精出。故中焦虛熱。注於下焦。三消之中。最爲難治。

薺芫

石膏各三兩

人參去蘆

茯苓去木

栝樓根

磁石煨碎

知母去毛

乾葛

黃芩去心

甘草各二兩

右剉散。每服用水三盞。腰子一個去脂膜。黑豆一合。煮至一盞半。去腰子黑豆。入藥四錢。煎至七分。去滓食後服。下焦熱則夜間服。渴止勿服。次投補藥。

黃連豬肚圓治強中消渴。服瓜蒌散薺芫湯後。便可服此。亦能補養。

豬肚

一枚治如食法

黃連去蘆

小麥

炒各五兩

天花粉

茯苓

去木各四兩

麥門冬去心二兩

右五味爲末。內豬肚中縫塞。安甌中蒸之極爛。木白小杵。可圓如梧桐子大。每服七十圓。米飲送下。隨意服之。如不能圓。入少煉蜜。

罌粟湯治腎渴。解五石毒。

罌粟子

右煮稀粥。入蜜飲之。

加減三黃圓治丹石毒及熱渴。以意測度。須大實者方用。

春	黃芩四兩	大黃三兩	黃連四兩
夏	黃芩六兩	大黃一兩	黃連七兩
秋	黃芩六兩	大黃二兩	黃連三兩
冬	黃芩三兩	大黃四兩	黃連二兩

右爲末。煉蜜圓。梧桐子大。每服十圓。服一月病愈。

〔酣飲〕烏梅木瓜湯治飲酒多。發積爲酷熱。熏蒸五臟。津液枯燥。血泣。小便併多。肌肉消鑠。專嗜冷物寒漿。

木瓜乾 烏梅打破不去仁 麥蘖炒 甘草 草果去皮各半兩

右剉散。每服四錢。水盞半。生薑五片。煎七分。不拘時服。

枳椇子圓治同上。

枳椇子二兩 麝香一錢

右爲末。麵糊圓。梧桐子大。每服三十圓。空心鹽湯吞下。

三神湯治同上。

烏梅肉 遠志去心甘草水煮過却以薑汁拌炒各一兩 枳實去穢一兩

夏加黃連五錢。春秋冬不用。

右剉散。每服四錢。水兩盞。糯禾根一握。煎七分。去滓。不拘時溫服。若無糯禾根。白茅根亦可。如無白茅根。禾稈繩代之亦可。

龍鳳圓治同上。

鹿茸火燎去毛一兩酒浸炙 山藥 兔絲子酒浸炒各二兩

右爲末。煉蜜圓。梧桐子大。每服三十圓。食前米飲下。濃煎人參湯亦可。

薑連圓治消渴小便滑如油。頻數者。

黃連去蠟 瓜蒌連穢各等分

右爲末。生地黃自然汁圓。如梧子大。每服五十圓。食後牛乳汁下。酪湯下。一日二服。忌冷水豬肉。或研麥門冬自然汁爲圓。熟水吞下。

朱砂黃連圓治心虛蘊熱。或因飲酒過多。發爲消渴。

朱砂一兩別研 宣連三兩 生地黃二兩

右爲末。煉蜜圓。如梧子大。每服五十圓。燈心棗湯吞下。

酒蒸黃連圓治膈熱。解酒毒。止渴。厚腸胃。方見下痢類

〔通治〕玄兔丹治三消渴利神藥。常服禁精止白濁。延年。

兔絲子 酒浸通軟乘溫研焙乾取末十兩

白茯苓 去皮

乾蓮肉 各三兩

五味子 去梗酒浸秤七兩

右爲末。別研山藥末六兩。將所浸酒餘者。添酒煮糊爲圓。如梧子大。每服五十圓。天花粉北五味子煎湯下。溫酒鹽湯亦可。脚膝無力。木瓜湯下。

清心蓮子飲治心中蓄熱。時常煩躁。因而思慮勞心。憂愁抑鬱。是致小便白濁。或有沙膜。夜夢走泄。遺瀝澀痛。便赤如血。或因酒色過度。上盛下虛。心火炎上。肺金受剋。口舌乾燥。漸成消渴。睡臥不安。四肢倦怠。男子五淋。婦人帶下赤白。及病後氣不收斂。陽浮於外。五心煩熱。藥性溫平。不冷不熱。常服清心養神。秘精補虛。滋潤腸胃。調順血氣。

黃 芩 去心半兩

黃 耆 去蘆蜜炙

石蓮肉 去心

白茯苓 去皮

人 參 去蘆各七錢

麥門冬 去心

甘 草

地骨皮 去骨

車前子 去沙土半兩

右剉散。每服三錢。麥門冬十粒去心。水一盞半。煎取八分。去滓。水中沉冷。空腹服。發熱加柴胡薄

荷煎。

六神湯治三消渴疾。

蓮 房

乾 葛

枇杷葉 去毛

甘 草 炙

栝樓根

綿黃耆 去蘆蜜炙各等分

右剉散。每服四錢。水一盞。煎七分。去滓溫服。小便不利加赤茯苓。

子童桑白皮湯治三消渴病。或飲多利少。或不飲自利。肌膚瘦削。四肢倦怠。常服補虛。止渴利。

童根桑白皮 即未多時栽者去粗皮曬乾不焙

白茯苓 去皮

人 參 去蘆

麥門冬 去心

乾 葛

乾山藥

桂 心 去粗皮各一兩

甘 草 半兩生用

右剉散。水一盞半。煎至七分。去滓溫服。

梅花湯治三消渴利神效。

糯 谷 旋炒作爆

桑根白皮 厚者切細等分

右每用秤一兩許。水一大碗。煮取半碗。渴則飲。不拘時。

文蛤散治渴飲飲水不止。

文 蛤 即五倍子最能回津

大方脉雜醫科

消渴

右爲末以水飲任調方寸匕，不拘時服。

羊乳圓治嶺南山瘴風熱毒氣入腎中，變寒熱，脚弱虛滿而渴者。

宜 連去糞不拘多少爲末 生栝樓根汁 生地黃取汁 羊乳無羊乳牛乳人乳亦得

右以三汁搜和爲丸，如梧子大，每服三五十丸，米飲下。一法濃煮小麥飲下。

益元散白虎湯去桂五苓散合和，大治消渴。方見中暑傷寒傷暑類

生地黃飲子治消渴咽乾面赤煩躁。

人參去蘆

生乾地黃洗

熟乾地黃洗

黃耆蜜炙

天門冬去心

麥門冬去心

枳殼去穢炒

石斛去根炒

枇杷葉去毛炒

澤瀉

甘草炙各等分

右剉散，每服三錢，水一盞，煎至六分，去滓，食後臨臥溫服。此方乃全用二黃丸甘露飲料，生精補

血，潤燥止渴，佐以澤瀉枳殼，疏導二腑，使心火下行，則小腑清利，肺經潤澤，則大腑流暢，宿熱既

消，其渴自止，造化精深，妙無逾此。

栝樓粉治大渴。

右深掘大栝樓根，削去粗皮，寸切，以水浸，一日夜一易，浸五日，取出爛研細，絹絞汁，如作粉法乾

之。水服方寸匕，日三四服，入牛乳一合服尤好。

降心湯治心火上炎，腎水不濟，煩渴引飲，氣血日消。

人參去蘆

遠志去骨以甘草水煮過去甘草薑汁拌炒乾

當歸去尾

熟地黃洗去土蒸

白茯苓去皮

黃耆去蘆蜜炙

北五味子去梗

甘草微炙各半兩

天花粉一兩

右剉散，每服三錢，水一盞半，棗一枚煎，食前服。

蠟苓丸補虛治濁，止渴潤腸，婦人血海冷，白帶白淫白濁。

黃蠟

雪白茯苓去皮各四兩

右茯苓爲末，溶蠟和圓，彈子大，每服一圓，不飢飽細嚼下，棗湯亦可。

辰砂妙香散治渴證小便澀數而瀝，兼有油濁，用燈心茯苓煎湯下。方見心慈類

神效散治渴疾飲水不止。

白浮石

蛤粉

蟬殼

右爲末，用鯽魚膽七個，調七錢服，不拘時候，神效。

三瘡圓治消渴骨蒸。

宜連去鬚爲末。不以多少。剉冬瓜肉研搗自然汁。和成餅子陰乾。再爲末。再用汁浸和。如是七次。卽用冬瓜汁爲圓。如梧桐子大。每服三四十圓。以冬瓜汁煎大麥仁湯送下。尋常渴。止一服。浮萍圓治消渴虛熱者大佳。

乾浮萍 栝樓根等分

右爲末。以人乳汁和圓。每服二十圓。空腹米飲下。日三服。三年病者三日可。又白芷末水調服止。又方

鉛丹二兩 附子一兩 乾葛 栝樓根各三兩

右爲末。煉蜜圓。每服十圓。米飲下。日三服。渴則服之。治日飲水至一石者。春夏去附子。白朮散治胃虛發渴。

白朮一兩 人參去蘆 白茯苓 甘草各半兩

右爲末。每服七錢。水一盞半。煎至七分服。凡渴之後。多有腫疾。仍預服復元丹數服。參耆湯治消渴。

人參去蘆 桔梗去蘆 天花粉 甘草各一兩 綿黃耆鹽湯浸炙 白芍藥各二兩

白茯苓去皮 北五味各一兩半

右剉散。每服四大錢。水盞半。煎八分。日進四服。合滓煎。

鷄蘇圓治病後虛羸發渴。

右鷄蘇圓以北五味煎湯吞下。仍服安腎圓。方見失血虛損類

麵餅圓治消渴。

密陀僧二兩別研極細 川黃連一兩爲細末

右用蒸餅圓如梧子大。每服五圓。煎藹空茄根湯下。臨臥服。次日加至五十圓。以後每日五圓。至三十圓止。服藥後以見水惡心爲度。卽住服。不過五六服必效。若覺惡心。但每日食乾物壓之。旬日後自定。奇甚奇甚。藹空。是出蠶蛾了空藹殼。

忍冬圓治渴疾愈。須預防發癰疽。

忍冬草不以多少根莖花葉皆可用一名老翁鬚一名蠶蝦花一名金銀花以洗淨用之

右以米麴酒於瓶內浸。以塘火煨一宿。取出曬乾。入甘草少許爲末。卽以所浸酒爲糊。圓如梧子大。每服五十圓至百圓。酒飲任下。不拘時候。此藥不特治癰。亦能止渴。并五痔諸漏。

牡蠣散治不渴而小便失利以牡蠣末取患人小便煎服單方治渴。

糯稻稈灰取中一尺燒淋汁飲或不燒便煎服亦妙。

生牛乳細呷或生蘿蔔搗取汁時飲少許。

繭絲湯治渴神效。

煮繭線絲湯任意飲之頓效如非時以絲或綿煎湯服。

煞蟲方治消渴有蟲。

苦練根取新白皮一握切焙入麝少許水二碗煎至一碗空心飲之雖困頓不妨自後下蟲三四條狀如蛔蟲其色真紅而渴頓止乃知消渴一證有蟲耗其津液。

凡消渴大忌飲酒房事食油麵煎炙糟藏鹹物及一切熱□□物百日以上不可針灸則瘡中生膿水或成癰疽膿水不止則死。

漩濁

〔心濁〕瑞蓮圓治思慮傷心便下赤濁。

白茯苓去皮

石蓮肉炒去心

龍骨生用

天門冬洗去心

遠志洗去心甘草煮

柏子仁炒別研

紫石英火煨七次研令極細

當歸酒去蘆

酸棗仁炒去殼

龍齒已上各一兩

乳香半兩別研

右爲末煉蜜圓梧桐子大朱砂爲衣每服七十丸空心溫酒棗湯任下。

加味清心飲治心中客熱煩躁赤濁肥脂。

石蓮肉

白茯苓各一兩

益智仁

麥門冬

遠志

志水浸取肉薑製炒

人參各半兩

石菖蒲

車前子

白朮

澤瀉

甘草

草微炙各二分

右剉散每服三錢燈心二十莖煎服有熱加薄荷少許。

寧志膏治心臟虧虛神志不守恐怖赤濁常多恍惚易於健忘睡臥不寧夢涉危險一切心疾並皆治之。

人參去蘆

酸棗仁微炒去皮各一兩

砂仁研細水飛半兩

乳香一分以乳鉢坐水盆中研

右爲末煉蜜圓如彈子大每服一圓溫酒化下棗湯亦可空心臨臥服。

十四友圓補諸虛不足益血收斂心氣治怔忡不寧精神昏倦睡臥不安赤白濁甚。

柏子仁 別研

遠志 去心

酸棗仁 去殼炒香

紫石英 明亮者

熟乾地黄 洗

川當歸 洗淨去尾蘆

白茯苓 去皮

茯神 去木

人參 去蘆

黃耆 蜜炙去蘆

阿膠 蚌粉炒

肉桂 不見火已兩

龍齒 一兩

辰砂 半兩別研

右爲末。煉蜜圓。如梧子大。每服三四十圓。棗湯食後臨臥吞服。

香苓散治男子婦人小便赤濁。諸藥不效者。

五苓散

辰砂妙香散

右和勻用天門冬麥門冬去心煎湯。空心調服一大錢。一日三服當頓愈。

桑螵蛸散治小便日數十次。如稠米泔色。心神恍惚。憔悴食減。以女勞得之。服此不終劑而愈。乃主

安神魂。定心志。

菖蒲 鹽炒

龍骨

人參 去蘆

茯神 去木

當歸 去尾

鱉甲 醋炙

右等分爲末。每服二錢。夜臥人參湯調服。

蠟苓圓治同上。方見瘡渴類

遠志圓治小便赤濁如神。

遠志 去心用甘草煮半斤 茯神 去木 益智仁 各二兩

右爲末。酒糊圓。每服五十圓。臨臥棗湯下。

心腎圓治水不既濟。心下怔忡。夜多盜汗。便赤夢遺。

牛膝 去苗酒浸

熟地黄 洗蒸

菴蓉 酒浸各二兩

鹿茸 火去毛酒潤炙

附子 炮去皮臍

五味子 去枝

人參 去蘆

黃耆 蜜炙去蘆

遠志 去心甘草水煎薑汁炒

白茯苓 去木

山藥 炒

當歸 去蘆尾酒浸

龍骨 煨各一兩

兔絲子 酒浸研成餅三兩

右爲末。浸藥酒煮糊圓。如梧子大。每服七十圓。棗湯下。

〔腎濁〕秘精圓治元氣不固。遺精夢泄。

大附子 炮去皮臍

龍骨 煨通赤

肉蓯蓉 酒浸一夕

牛膝 酒浸一宿焙

巴戟 去心各一兩

右末。煉蜜圓。如梧子大。每服三十圓。鹽酒鹽湯空心下。

震靈丹治腎經虛憊。漏濁不止。用二陳湯加白茯苓煎湯送下。方見瀉瀉類

鎖精圓治小便白濁。

破故紙 炒

青鹽 各四兩

白茯苓

五倍子 各二兩

右為末。酒糊圓。空心。三十圓。鹽湯酒任意下。

灰實圓治勞傷心腎。水火不交。漩面如油。光彩不定。漩脚澄下。凝如膏糊。頻數無度。又治遺泄不禁之疾。方見虛損類

固精圓治下虛胞寒。小便白濁。或如米泔。或若凝脂。腰重少力。

牡蠣煨

兔絲子酒蒸焙乾

韭子炒

龍骨

五味子

白茯苓去皮

桑螵蛸酒浸炙

白石脂各等分

右為末。酒糊圓。如梧子大。每服七十圓。空心鹽湯送下。

地黃圓治心腎水火不濟。或因酒色。遂至以甚。謂之土淫。蓋脾有虛熱。而腎不足。故土邪干水。先賢常言。夏則土燥而水濁。冬則土堅而水清。此其理也。醫者往往峻補。其疾反甚。此方中和。補瀉兼之。水火既濟。而土自堅。其流清矣。

熟地黃九蒸十兩

兔絲子洗酒浸蒸

鹿角霜各五兩

茯苓

柏子仁各三兩

附子一兩

右為末。鹿角膠煮糊圓。如梧子大。每服百十圓。鹽酒下。

四精圓治濁。

鹿茸

肉蓯蓉

山藥

茯苓各等分

右為末。米糊圓。如梧子大。每服三十圓。棗湯下。或加沉香木香。

蒜圓治濁。

杜仲

川烏

破故紙

人參

巴戟各等分

右為末。蒜膏圓。如梧子大。每服三十圓。鹽湯温酒任下。

入藥靈砂圓治諸虛白濁耳鳴大效。

當歸酒洗

鹿茸去毛鹽酒炙

黃耆鹽水炙

沉香鎊

北五味炒

遠志肉

酸棗仁炒

吳茱萸去枝

茴香炒

破故紙炒

牡蠣煨

熟地黃蒸

人參去蘆

龍骨煨

附子炮

巴戟各一兩母

靈砂二兩研

右各煨製如法。為末。酒糊圓。每服五十粒至七十粒。空心。温酒鹽湯任下。

小免絲子圓治腎氣虛損。五勞七傷。小腹拘急。四肢酸疼。面色黧黑。唇口乾燥。目暗耳鳴。心忪短氣。夜夢驚恐。精神困倦。喜怒無常。悲憂不樂。飲食無味。舉動乏力。心腹脹滿。脚膝痿緩。小便滑數。房室不舉。股內濕癢。水道澀痛。小便出血。時有遺瀝。並宜服之。久服填骨髓。續絕傷。補五臟。去萬病。明視

聽。益顏色。輕身延年。聰耳明目。

石蓮肉 二兩 兔絲子 酒浸焙研 爲末五兩 白茯苓 焙一兩 山藥 二兩七錢 牛打糊

右爲末。山藥糊搜和爲圓。如梧子大。每服五十圓。空心。溫酒或鹽湯下。如脚膝無力。木瓜湯下。晚食前再服。

四五湯治小兒白濁。

生料四君子湯 生料五積散

右和勻。每服二錢。燈心一握。水一盞煎服。方見脾胃 傷暑類

安腎圓白圓子山藥圓治虛勞羸瘦。浮膩白濁。三藥夾和。每服七十圓。食前煎雙和湯下。方見虛損風 科通治類

〔脾濁〕蒼朮難名丹治元陽氣衰。脾精不禁。漏濁淋瀝。腰痛力疲。

蒼朮 杵去粗皮半斤米泔 浸一日夜焙乾用 舶上茴香 炒 川練子 蒸去皮取肉焙 乾各一兩半 川烏 炮去 皮臍

破故紙 炒 白茯苓 龍骨 別研各 一兩

右爲末。酒麪糊圓。梧桐子大。朱砂爲衣。每服五十圓。空心。縮砂煎湯下。粳米湯亦可。

〔七情〕四七湯治小便渾濁。生薑煎吞青州白圓子。方見喘 急類 芡實圓治思慮傷心。小便赤澀。遺精白濁。

方見虛 損類

〔通治〕還少丹治心腎俱虛。漏精白濁。

山藥 炮 牛膝 酒浸焙 去苗 白茯苓 山茱萸 水洗 去核 舶上茴香 炒各一 兩

兔絲子 酒浸 研焙 續斷 去蘆各 一兩

右爲末。煉蜜圓如梧子大。每服三十圓。鹽湯下。

分清飲通心氣。補漏精。治小便餘瀝。并赤白濁。

益智 川草薺 石菖蒲 鹽炒 天台烏藥

右等分剉散。入鹽少許煎。空心服。

蠟苓圓治赤白濁。方見瘡 渴類

玉鎖固真丹治心氣不足。思慮太過。腎經虛損。眞陽不固。漩有遺瀝。小便經歲白濁。或淡赤。或如膏。夢寐精泄。甚則身體拘倦。骨節酸疼。飲食不進。面色黧黑。容枯肌瘦。唇口乾燥。虛煩盜汗。舉動力乏。多服取效。

白龍骨 半斤 磁石 醋淬 七次 朱砂 各一 兩 牡蠣 煨一 兩 紫梢花 牛一兩 家韭子

兔絲子 各二兩半

鹿茸 酒浸

白茯苓

川巴戟

官桂

肉蓯蓉 酒浸

桑螵蛸 酒浸切炙

遠志 甘草水煮取皮薑汁炒

當歸 去尾

蒼朮 切酒炒

茴香 炒

吳茱萸 炒

川練子 炒

桑寄生 真者

沉香 不見火

木香 不見火

黃耆 去蘆

綿附子 熟炮已上各一兩

右爲末。煉蜜圓。如梧子大。每服五十圓。溫酒鹽湯任下。

小溫金散治心虛泛熱。或觸冒暑熱。漩下或赤或白。或淋澀不行。時發煩鬱。自汗。

人參 去蘆

石蓮肉 去心

川巴戟 去心

益智仁 去殼

黃耆 去蘆

草薺 切酒浸炒

麥門冬 去心

赤茯苓 去皮

甘草 各等分

右爲散。每服三錢。水一盞半。燈心二十莖。紅棗二枚煎。食前溫服。以後藥相兼。

子午圓治心腎俱虛。夢寐驚悸。體常自汗。煩悶短氣。悲憂不樂。消渴引飲。漩下赤白。停凝濁甚。四體無力。眼昏。形容瘦悴。耳鳴頭暈。惡風怯冷。

榧子 去殼二兩

蓮肉 去心

枸杞子

白龍骨

川巴戟 去心

破故紙 炒

眞琥珀 另研

芡實

苦楮實 去殼

白礬 枯

赤茯苓 去皮

白茯苓 去皮

文蛤

蓮花鬚 鹽蒸

白牡蠣 殼各一兩

右爲末。酒蒸肉蓯蓉一斤二兩。爛研爲圓。梧桐子大。朱砂一兩半重。細研爲衣。濃煎草薺湯。空心吞下。忌勞力房事。專心服餌。渴止濁清。自有奇效。

漩多

川方五子圓治小便夜多脚弱。老人虛人多有此證。令人卒死。大能耗人精液。頭昏。

兔絲子 酒蒸

家韭子 略炒

益智子 去皮

茴香子 炒

蛇床子 去皮殼炒

右等分爲末。酒糊圓。如梧子大。每服五七十圓。糯米飲鹽湯任下。

又方治夜多小便。

右取純糯米糍一片。臨臥炙令軟熟啖之。仍以溫酒下。不飲酒。湯下。多啖愈佳。行坐良久。待心間空便睡。一夜十餘行者。當夜便止。

又方

右用茴香不以多少。淘淨。入少鹽炒爲末。如前炙糯米糍蘸吃。或用豬胞盛以糯米煮爛。或入

椒鹽少許同煮。去糯米。只用胞切片蘸藥。或更飲好酒半杯。臨晚臨臥各一服尤妙。

兔絲子圓治小便多或不禁。

兔絲子 酒蒸二兩

桑螵蛸 酒炙半兩

牡蠣 煨取粉一兩

肉蓯蓉 酒潤二兩

附子 炮去皮

五味子 各一兩

雞臍脰 半兩微炙

鹿茸 酒炙一兩

右爲末。酒糊圓。如梧子大。每服七十圓。食前鹽酒任下。一方加巴戟去心破故紙微炒赤石脂煨草薺各一兩。

橘皮煎圓治小便利數。每服三十圓。溫酒鹽湯下。方見虛損類

草薺圓治小便頻數。日夜無時。

右用川草薺洗。不拘多少。爲末。酒糊圓。如梧子大。每服七十圓。空心食前。鹽酒鹽湯任下。

縮泉圓治胞氣不足。小便頻數。

天台烏藥

益智仁 各等分

右爲末。酒煮山藥末糊圓。如梧子大。每服七十圓。臨臥鹽酒吞下。

遺溺

家韭子圓治少長遺溺。及男子虛劇。陽氣衰敗。小便白濁。夜夢泄精。此藥補養元氣。進美飲食。

家韭子 六兩炒

鹿茸 四兩酥炙

菝葜 酒浸

牛膝 酒浸

熟地黃

當歸 各二兩

兔絲子 酒浸

巴戟 去心各一兩半

杜仲 炒

石斛 去苗

桂心

乾薑 各一兩

右爲末。酒糊圓。梧桐子大。每服五十圓。加至百圓。空心食前。鹽湯溫酒任下。小兒遺尿者。多因胞寒。亦稟受陽氣不足故也。別作一樣小圓服。

鷄內金散治溺床失禁。

右以鷄臍脰一具。并腸淨洗。燒爲灰。男用雌。女用雄者。研細。每服方寸匕。酒飲調服。

又方用猪胞洗淨。鐵鏟上炙香熟。嚼細溫酒下。

秘元丹治內虛裏寒。自汗時出。小便不禁。

白龍骨 三兩

訶子 十個去核

縮砂 一兩去皮

右爲末。糯米粥圓。梧桐子大。每服五十圓。空心鹽酒下。

桑螵蛸散治小便日數十次。如稠米泔色。心神恍惚。瘦悴食減。以女勞得之。

桑螵蛸鹽水炙

遠志去心

菖蒲鹽炒

龍骨

人參

茯神

當歸

鱉甲醋煮

右各等分爲末。每服二錢。夜臥人參湯調下。

補胞飲治婦人產後傷動胞破。終日不能小便。但漏濕不乾。

黃絲絹生者一尺剪碎

白牡丹根皮末千葉者七無用

白及末一錢

右用水一碗。煎至絹爛如錫。空心頓服。服時不得作聲。作聲不效。

遺精

桑螵蛸圓治下焦虛冷。精滑不固。遺瀝不斷。

附子去皮

五味子

龍骨各半

桑螵蛸七個切炒

右爲末。純糯米糊圓。每服三十圓。空心鹽酒吞下。

仙方固真丹專治精泄不禁。

禹餘糧

石中黃

赤石脂

紫石英

石燕子五件各一兩以火煨過紅米醋三升浮乾爲度

右以白茯苓四兩、人參二兩、青鹽一兩同爲末。入無灰酒約量多少。打糊。拌和衆藥爲圓。以朱砂爲衣。如小指頭大。每服二圓至三圓。溫酒或鹽湯下。空心臨臥服。

鎖陽丹治脫精泄不禁。

桑螵蛸三兩瓦上焙燥

龍骨別研

白茯苓各一兩

右末糊圓如梧子大。每服七十圓。煎茯苓鹽湯食前服。

辰砂妙香散治夢中遺精。每服一匕。虛者溫酒調。熱者麥門冬去心濃煎湯調。方見心差類

三仙圓治夢泄。

益智仁二兩用鹽二兩炒去鹽

烏藥一兩半炒

右爲末。用山藥一兩爲糊圓。如梧子大。每服五十圓。空心臨臥。鹽湯下。以朱砂爲衣。凡病精泄不禁。自汗頭眩。虛極。或寒或熱。用補澀之藥不效。其脉浮軟而散。蓋非虛也。亦非房室過度。此無他。因有所覩。心有所慕。意有所樂。慾想方興。不遂所欲。而致斯疾。既以藥補。且固不效。將何治之。緣心有愛則神不歸。意有想則志不寧。當先和榮衛。榮衛和則心安。次調其脾。脾氣和則志舍定。心

腎交媾。精神內守。其病自愈。其法。用人參三錢、當歸一錢洗焙爲末。作三服。糯米飲調下。服畢自汗止而寒熱退。頭眩未除。川芎三錢、人參一錢焙爲末。作三服。沸湯調服。頭眩遂差。精不禁者。用白芍藥半兩、丁香三錢、木香三錢剉散。每服用生薑五片、棗二枚煎。空心服。卽心安神定。精固神悅。

清心圓治經絡熱而夢泄。心怔忡恍惚。

大柏皮一兩去粗皮

右爲末。入腦子一錢同研。煉蜜圓。如梧子大。每服十五圓至十九圓。濃煎去心麥門冬湯下。

豬苓圓治年壯氣盛。情慾動中。所願不得。意淫於外。致夢遺白濁。

半夏一兩 豬苓二兩

右用半夏剉如豆大。用豬苓爲末。先將一半炒半夏黃色。不令焦。地上出火毒半日。取半夏爲末糊圓。如梧子大。候乾。更用豬苓末炒微裂。入不油沙瓶中養之。每服四十圓。空心。溫酒鹽湯送下。如常服。於申未間冷酒下。

理脾圓治遺泄。尋常只治心腎。緣脾虛亦有此疾。

厚

朴去粗皮切生薑自然汁拌炒二兩

羊脛炭又名火炭火煨通紅別研如粉一兩

右爲末。水麵糊爲圓。如梧子大。每服百十圓。米湯下。

失血

〔風證〕桂枝栝樓根湯治傷風汗下不解。鬱於經絡。隨氣涌泄。衄出清血。或清道閉。流入胃管出清血。遇寒泣之。色必瘀黑者。

桂心 白芍藥 甘草 川芎 栝樓根

右等分剉散。每服四大錢。水一盞半。薑三片、棗一枚煎服。頭痛加石膏。

胃風湯治大人小兒風冷乘虛。入客腸胃。水穀不化。泄瀉注下。及腸胃濕毒。下如豆汁。或下瘀血。日夜無度。方見泄瀉類

〔寒證〕麻黃升麻湯治傷寒發熱。解利不行。血隨氣壅。世謂紅汗者。

麻黃去節 升麻一分 黃芩 芍藥 甘草 石膏煨

茯苓各一兩

右剉散。每服四大錢。水一盞。生薑三片煎。熱服。微汗解。

犀角地黃湯治傷寒及溫病。應發汗而不汗。內蓄為瘀血及鼻衄。吐血不盡。餘血停留。致面黃大便黑。

犀角一兩 生地黃八兩 芍藥三兩 牡丹皮三兩

右剉散。水煎。狂者加大黃二兩、黃芩三兩。其人脉大來遲。腹不滿自言滿。為無熱。不須加也。小柴胡湯治同上。方見傷寒

〔暑證〕五苓散治伏暑飲熱。暑氣流入經絡。壅滯發衄。或胃氣虛。血滲入胃。停留不散。吐出一二升許。治衄則以茅花煎湯調下。屢用得效。

枇杷葉散治同上。方並見傷寒類

〔濕證〕除濕湯治冒雨著濕。鬱於經絡。血溢作衄。或脾不和。濕著經絡。流入胃吐血。

茯苓 乾薑各二兩 甘草炙 白朮各一兩

右剉散。每服四大錢。水煎服。頭疼加川芎二錢。最止浴室發衄。

〔七情〕木香勻氣散治氣逆嘔血衄血。用側柏葉白茅花煎湯下。方見諸病類

蘇合香圓治因氣作衄。或吐嘔血。濃煎白茅花湯化。方見中氣類

止衄散治氣鬱發衄。無比神方。

黃耆六錢 赤茯苓 白芍藥各三錢 當歸 生乾地黃 阿膠三錢炙各

右為末。煎黃耆湯調下。為剉散煎亦可。

歸脾湯治思慮傷脾。心多健忘。為脾不能統攝心血。以致妄行。或吐血下血。

白朮 茯苓 黃耆 酸棗仁炒去殼 龍眼肉各一兩 人參

木香各半兩 甘草二錢半

右剉散。每服水一盞。薑五片。棗一枚煎。不拘時候。溫服。

天門冬湯治思慮傷心。吐衄不止。

遠志去心甘草水煮 白芍藥 天門冬去心 藕節 麥門冬去心 黃耆去蘆

阿膠蚌粉炒 沒藥 當歸去蘆 生地黃各一兩 人參 甘草各半兩

右剉散。每服四錢。水一盞半。生薑五片煎。不拘時服。

〔虛證〕加味理中湯治飲食過度。傷胃不化。致嘔吐。其色鮮紅。或心腹絞痛。自汗。名曰傷胃嘔血。

人參 乾薑炮 白朮各一兩 乾葛 甘草各半兩
 右剉散。每服三錢。水一大盞煎。不拘時候。溫服。去乾葛加川芎。治鼻衄。理中脘。分利陰陽。安定血脉。

又方治暴吐血。桂末二錢。水湯各半盞調。猛吃。甚者只兩服效。

桂附湯治吐血自汗大效。方見瘡冷類

加味四物湯治咯血。用毛頭白紙燒灰。入麝香煎。調二錢服之如神。方見婦人崩漏類。四君子湯二錢。加蒲黃藕節灰少許。人乳汁調服效。

〔熱證〕大薊散治飲啖辛熱。熱邪傷肺。嘔吐出血。一合或半升許。名曰肺疽。

大薊根洗 犀角鎔 升麻 桑白皮炙 蒲黃炒 杏仁去皮
 桔梗去蘆炒 甘草半兩

右剉散。每服四錢。水一盞半。生薑五片煎。不拘時溫服。

犀角地黃湯治同上。方見前

茜根散治鼻衄終日不止。心神煩悶。

茜根 黃芩 阿膠蚌粉炒 側柏葉 生地黃各一兩 甘草半兩

右剉散。每服四錢。水一盞半。生薑三片煎。不拘時溫服。

萬金散治咯血。

右用槐花不以多少。為末。每服二錢。食後熱酒調服。

龍腦雞蘇圓治肺熱咳嗽。鼻衄吐血。血崩下血。血淋熱淋。勞淋氣淋。止渴除驚。涼上膈。解酒毒。口臭

喉腥。口甜。口苦。

柴胡二兩到同木通以沸湯大半升浸一二宿絞取汁後取膏 麥門冬去心 黃耆一兩 阿膠炒二兩
 生乾地黃末六兩後入膏 蒲黃二兩 鷄蘇淨葉一斤 甘草半兩 人參二兩
 木通到二兩同柴胡浸

右除別研藥後入外。為末。用好蜜二斤。先煉一二沸。然後入生乾地黃末。不住手攪。時時入柴胡木通汁慢慢熬成膏。勿令焦。同餘藥和為圓。如蠶豆大。每服二十圓。以去心麥門冬煎湯。食後臨臥服。血崩下血。諸淋疾。並空心食前服。

三黃圓治肛門腫痛。或下鮮血。

黃連去蟲 黃芩 大黃各十兩

右爲末。煉蜜圓如梧子大。每服四十圓。熱水吞下。

白朮散治積熱吐血咳血。若因飲食過度。負重傷胃而吐血者。最宜服之。忌食熱麵煎燻一切發風之物。

白朮 二兩

人參

白茯苓

黃耆 蜜炙各一兩

山藥

百合 去心各三分

甘草 牛兩

前胡 去蘆

柴胡 去蘆各一分

右剉散。每服三錢。水一盞。生薑三片。棗一枚煎。溫服。

〔勞傷〕鷄蘇散治勞傷肺經。唾內有血。咽喉不利。

鷄蘇葉

黃耆 去蘆

生地黃 洗

阿膠 蛤粉炒

白茅根 各一兩

桔梗 去蘆

麥門冬 去心

蒲黃 炒

貝母 去心

甘草 各半兩

桑白皮 半兩

右剉散。每服四錢。生薑三片。水一盞半。棗一枚煎。溫服。

蓮心散治勞心吐血。

右以蓮子心五十個。糯米五十粒爲末。酒調服效。

大阿膠圓治肺虛客熱。咳嗽咽乾。多唾涎沫。或有鮮血。并勞傷肺胃。吐血嘔血。並宜服之。

麥門冬 去心牛兩

乾山藥

熟乾地黃

五味子 各一兩

遠志 去心一分

丹參

貝母 炒

防風 去蘆各半兩

阿膠 炒一兩

茯神 去木

柏子仁

百部根

杜仲 炒各半兩

茯苓 一兩

人參 一分

右爲末。煉蜜圓如彈子大。水一盞。煎六分。和滓服。

〔傷損〕奪命散治金瘡打損。及從高墜下。木石所壓。內損瘀血。心腹疼痛。大小便不通。氣絕欲死。

紅蛭 用石灰慢火炒令微黃色半兩

大黃

黑牽牛 各二兩

右爲末。每服三錢。熱酒調下。如人行四五里。再用熱酒調牽牛末二錢催之。須臾轉下惡血塊。或片血盡愈。

花蕊石散治一切金瘡。打撲傷損。猫犬咬傷。並於傷處搽傳。或內損血入臟腑。壅滯作衄。及婦人產後敗血不散。

花蕊石 研細一斤

上色硫黃 研細四兩

右和勻。入藏瓶中。以紙筋搗黃泥固濟。候乾。焙令熱透。以磚盛。用白炭一秤。頂上發火。燒炭盡。候冷取出。再研極細。諸臟傷及婦人產後瘀血不行。並用童子小便溫酒一二錢匕。取瘀血效。

鷄鳴散治從高墜下。及木石所壓。凡是傷損。血瘀凝積。氣絕欲死。并久積瘀血。煩躁疼痛。叫呼不得。並以此藥利去瘀血即愈。推陳致新。折傷神效。

大黃一兩 酒蒸 杏仁三七粒 去皮尖

右研細。用酒一碗。煎至六分。捫去滓。鷄鳴時服。次日取下瘀血即愈。若便覺氣絕。取藥不及。急壁開口。以熱小便灌之。

加味芎藭湯治打撲傷損。敗血流入胃脘。嘔吐黑血。或如豆羹汁。

川芎 當歸 白芍藥 百合水浸 半日 荆芥穗各等分

右剉散。每服四錢。水一盞。酒半盞同煎。不拘時服。

茯苓補心湯治心氣虛耗。不能藏血。以致面色黃瘁。五心煩熱。咳嗽唾血。及婦人懷娠惡阻嘔吐。亦宜服之。

白茯苓去皮 人參去蘆 前胡去蘆 半夏 川芎各三分 陳皮
枳殼去穰 紫蘇 桔梗去蘆 甘草 乾葛各半兩 當歸一兩 三錢
白芍藥二兩 熟地黃酒炒一兩半

右剉散。每服四錢。生薑五片。棗一枚煎。食前服。

〔通治〕立效散治吐血。

側柏葉焙乾。如倉卒難乾。新瓦焙為末。每服三錢。米飲調。食後服。一方柏葉加赤土拌勻。煉蜜為餅子服。

單方治鼻衄不止或吐血。

蘿蔔搗汁入鹽。服一盞立效。或蘿蔔汁藕汁滴入鼻中。

麝香散治鼻衄不止。

白礬枯過 別研 白龍骨粘舌者別 研各半兩 麝香別研 半字

右和勻。每用一字。先將冷水洗淨鼻內血涕。然後吹藥於鼻中。或以濕紙蘸藥於鼻內尤妙。

黑神散治大吐血。及傷酒食飽。低頭掬損。吐血至多。并血妄行。口鼻中俱出。但聲未失。無有不效。

百草霜村中燒草鍋 底煤最妙

不拘多少。羅細為末。每服一錢。糯米飲調下。鼻衄搗一字。皮破血出。灸瘡出血。搽上止。并治舌忽然腫破。乾摻。

川芎三黃散治實熱衄血。

大黃濕紙 川芎 黃連淨 黃芩等分

右爲末。每服二錢。食後井水調服。

敗毒散加桑白皮麥門冬煎吞鷄蘇圓。治肺熱。胸中鬱熱衄血。兼治血淋吐血。口臭。方見傷寒論證類及見前

蘇子降氣湯治虛壅鼻血。方見諸氣類

衄血方

川鬱金末井水調下。亦治吐血。又茆花煎湯通口服。又方血餘散。用頭髮燒存性研。米湯調

下。仍吹少許入鼻中。曾服燒煉藥致鼻血者。山梔子煎湯解之。仍燒山梔子存性爲末。入鼻。

又方烏賊魚骨槐花等末入鼻。又方槐花半生半炒爲末入鼻。又方成片人中白燒去穢爲末。

入麝香少許入鼻。或加油髮灰。又方大蒜煨香。取三瓣研傅脚底。鼻中有蒜氣即去之。

天門冬圓治吐血咯血。大能潤肺止咳。

天門冬一兩 甘草 杏仁炒 貝母 茯苓 阿膠各半兩

右爲末。煉蜜丸。彈子大。每一丸。嚥津嚙化。日夜可十丸。

龍骨散治鼻衄過多。

右以龍骨不拘多少。研爲末。用少許吹入鼻中。凡九竅出血皆可用。一方用梔子如前法。

白及散治鼻衄嘔血咯血。肺損。或食飽負重得者。服之愈。

白及不拘多少

右爲末。米飲調。或用井水調一匕。用紙花貼鼻竅中。一方用阿膠末調貼。

黃耆建中湯治汗出污衣。甚如坏染。皆由大喜傷心。喜則氣散。血隨氣行。兼服妙香散。金銀器麥子

麥門冬煎湯下。病名紅汗。方見虛損心恙類

葶草汁治產婦大喜。汗出污衣赤色。及膏淋尿血。

葶草不以多少

右搗取汁二升。醋二合和。空腹飲一杯。或煮濃汁飲。亦治淋瀝尿血。

側柏散治內損吐血下血。或因酒太過。勞傷於內。血氣妄行。其出如涌泉。口鼻皆流。須臾不救則死。

服此即安。

柏葉二兩半 人參 荊芥穗燒灰各二兩

右爲末。每服三錢。入飛羅麵二錢拌和。新汲水調。如稀糊相似。噉服立效。又方用百草霜川白芷研爲末。每服三錢。濃米飲併服。特效方治鼻衄不止。

右以蒲黃血竭爲末。吹入鼻中。

灸法 虛勞吐血。灸胃脘三百壯。

吐血唾血。上氣咳逆。灸肺膈隨年壯。

吐血嘔逆。灸大陵。穴在掌後兩骨間是。

口鼻出血不止。名腦衄。灸上星穴五十壯。入髮際一寸。衄不止。灸足大指節橫理三毛中十壯。劇者百壯。并治陰卵腫。

〔大便下血熱證〕酒蒸黃連圓治酒毒積熱。便下鮮紅。或肛門作熱。方見瘡濁類

槐角圓治五種腸風瀉血。糞前有血名外痔。糞後有血名內痔。大腸不收名脫肛。穀道四面弩肉如奶名舉痔。頭上有孔名瘻。並皆治之。

槐角去枝梗一兩 地榆八兩 當歸八兩去蘆 黃芩半斤 防風八兩 枳殼去穢半斤

右爲末。酒糊圓。如梧子大。每服五十圓。不拘時。米飲下。

人參敗毒散治同上。每服三錢。生薑三片。薄荷葉七皮。桑白皮七寸。烏梅一個煎。方見傷寒陽證類 防風散治因食熱物過度。風氣蕃盛。銷鑠大腸膏脂。以致榮衛之血。滲流而下。此方獨效。

羌活 荊芥 防風 枳殼 僵蠶炒去絲 薄荷各等

右剉散。白水煎。空心溫服。忌再吃熱物。

黃連阿膠圓治同上。米飲下。方見咳嗽類

加減四物湯治腸風下血不止。

側柏葉 生地黃 當歸酒浸 川芎各二兩 枳殼去白 京芥穗

槐花炒 甘草各半兩

右剉散。每服三錢。生薑三片。烏梅一個煎。空心服。一方加防風烏梅各半兩效。

〔虛證〕腸風黑散治大便鮮血。臍腹疼痛。裏急後重。脫肛酒痢。

荆芥二兩燒 亂髮燒 槐花燒 槐角燒各一兩 枳殼二兩燒 甘草炙
蝟皮燒各一兩半

右將各燒藥同入瓷瓶內。黃泥固濟。燒存三分性。出火氣。同甘草枳殼一兩搗為末。每服二錢。白水煎。空心服。溫酒調亦可。

黑玉丹治丈夫婦人久新腸風痔瘻。著床大腸頭痛不可忍者。服此不過三四次見效。初得此疾。發癢或疼。穀道周回多生硬核。此是痔。如破為瘻。只下血是風。皆因酒色氣風食五事過度。即成此疾。人多以外醫塗治。病在腸。自有蟲。若不去根本。其病不除。此藥的效。

刺蝟皮四兩 剉研

豬懸蹄二十個

牛角鯁三兩 剉碎

雷丸一兩

槐角一兩 半

敗棕二兩 剉

亂

皂角水洗 淨焙二兩

脂麻一兩

苦練根皮一兩 二錢 半

右剉碎。入瓷罐內燒存性。碾為末。入麝香二錢。乳香五錢研令和勻。用酒打麵糊為丸。如梧子大。每服八粒。先細嚼胡桃一枚。空心晚食前溫酒吞。日二服。病甚日三服。切忌別藥。不過三兩日。可除根本。

加味雙和湯加側柏葉每服三皮。炒過生薑三片。棗二枚。烏梅一個煎。空心服。方見虛損類治同上
卷柏散治臟毒下血神效。

卷

柏生土石塆上高四五寸根黃如絲葦細上有黃點子止以柏枝曝乾用

黃耆

右等分為末。每服二錢。米飲調下。

聖金圓治腸風下血瀉血。

百藥煎三兩一兩生一兩炒焦一兩燒存性

右為末。煉蜜丸如梧子大。每服五十丸。空心米飲下。

神丹治腸風痔漏。

刺蝟皮一個鐵器中炒焦黑為度

皂角刺燒存性

硫黃研

豬牙皂角去黑皮 蜜塗炙

白礬

枳殼炒

黃耆蜜炙

附子去皮各半兩

白鷄冠花子一兩

右為末。酒糊丸。如梧桐子大。每服七丸至十丸。空心食前溫酒下。不飲。米飲下。久年漏痔。服至三四十丸。肉滿平安。諸痔服之即自消。外痔。用藥十丸。同朱砂細研。蜜調塗。常服永除根本。若服藥覺熱。加白鷄冠花子一兩半或二兩。更加三五丸服之。臟腑自調。

小烏沉湯

香附子許去皮毛 焙二兩

天台烏藥去心 一兩

甘草

草炒一分

右為末。每服一錢。空心鹽湯點服。治同上。

震靈丹玉華白丹治臟腑虛損。太腸不收。久作腸風下血。二藥夾用。每服五十丸。煎不換金正氣散加川芎。空心嚥下。方並見 痢冷類

理中湯治同上。加木香妙。方見霍亂類

香梅圓治腸風臟毒下血。

烏梅同核燒 灰存性 香白芷不見 火 百藥煎燒存性 各等分

右爲末。米糊丸。梧桐子大。每服七十丸。空心米飲下。

斷紅圓治臟腑虛寒。下血不止。面色痿黃。日漸羸瘦。

側柏葉炒黃 川續斷酒浸 鹿茸火去毛 醋炙 附子炮去 皮臍 黃耆 阿膠蛤粉 炒
當歸酒浸各 一兩 白礬半兩 枯

右爲末。醋煮米糊丸。梧子大。每服七十丸。空心米飲下。

〔冷熱不調〕黃連香薷散

香薷 扁豆 厚朴薑製 黃連去蠶
右剉散。用水煎服。

香連圓治冷熱不調下血。方見泄瀉類

芎歸湯熱加茯苓槐花。冷加白茯苓丁香。方見婦人科保產類。即佛手散。

真人養臟湯治大人小兒冷熱不調。便下膿血魚腦。裏急後重。方見泄瀉類

消風散米飲調。熱者吞酒蒸黃連丸。冷者吞烏荊丸。方見風科熱證類。通治及下痢類

〔通治〕單方治腸風下血。百藥不效。

山裏棗俗名鼻涕團。取乾者爲末。米飲調立效。

又方柏子十四枚撚破。紗囊貯。以好酒三盞。煎至八分服之。初服反覺加多。再服立止。非飲酒而致斯疾。以艾葉煎湯。服之神效。勝於它藥。

又方生豬臟一條切。控乾。以槐花炒乾爲末。填入臟內。兩頭線縛了。以好米醋於磁石器內慢火煮爛。切片。沙鉢內研爛爲丸。梧桐子大。每服二十九。煎當歸酒下。

又方荊芥穗縮砂仁各等分爲末。糯米飲下。

灸法 第二十椎隨年壯。

又法平立一杖子。比臍平。却向後脊骨當中灸七壯。或年深。於脊骨兩傍各一寸灸七壯。余謂寸

半則是腎膺。自佳。

〔小便出血〕酒蒸黃連圓白茆根濃煎湯。放溫吞下。方見下劑類
五苓散加辰砂一字、燈心一握。煎湯調下。方見傷暑類
茯苓調血湯治酒麵過度。房勞後小便出血。

- | | | | | | | | |
|------|---------------------|-----|----|-----|--------------------|-----|----|
| 半赤茯苓 | <small>一兩</small> | 赤芍藥 | 川芎 | 半夏 | <small>各半兩</small> | 前胡 | 柴胡 |
| 青皮 | | 枳殼 | 北梗 | 桑白皮 | | 白茅根 | 燈心 |
| 甘草 | <small>各二分半</small> | | | | | | |

右剉散。每服三錢半。薑五片。蜜二匙。新水煎服。

薑蜜湯治小便出血不止。

- | | | | | | |
|----|-------------------|---|-------------------|-----|-------------------|
| 生薑 | <small>七片</small> | 蜜 | <small>半匙</small> | 白茅根 | <small>一握</small> |
|----|-------------------|---|-------------------|-----|-------------------|

右用水同煎服。神效。

鹿角膠圓治房室勞傷。小便尿血。

- | | | | | | |
|-----|-------------------|----|-------------------|------|--------------------|
| 鹿角膠 | <small>半兩</small> | 沒藥 | <small>別研</small> | 油頭髮灰 | <small>各三分</small> |
|-----|-------------------|----|-------------------|------|--------------------|

右爲末。用白茅根汁打糊丸。如梧桐子大。每服五十丸。鹽湯送下。

髮灰散

右用自己頭髮一握。洗淨燒灰。溫酒調下。一服立效。

鏡面散治小便出血。

鏡面草取清汁。入蜜少許。同水調服效。

單方療小遺出血條。

淡豆豉一撮。煎湯服效。

又方治小便出血。

竹茹一大塊。水煎服妙。

又方川牛膝一兩去蘆。水一碗。煎至半碗。頓服。

又方生地黃取自然汁半升。生薑自然汁半合。相和服。未止再服。

又方當歸川白芷爲末。每服二錢。溫米飲下。

脫肛

文蛤散治大腸寒。肛門脫出不收。用力過多。及小兒叫呼久。痢後。皆使脫肛。

五倍子

右爲末。水煎汁浸洗。更入白礬蛇床子尤佳。洗後用赤石脂爲末。以少許摻在芭蕉上。頻用托入。或長尺餘者。以兩床相接。中空一尺。以甕瓶盛藥水滿。架起。與床平。令病者仰臥。以其所脫浸在瓶中。換藥逐日如此浸。縮盡爲度。

木賊散

右用木賊一味爲末。摻肛上。

槐花散治脫肛。

槐花 槐角

右等分炒香黃爲末。用羊血蘸藥。炙熱食之。以酒送下。或以豬膏去皮蘸藥炙服。

釣腸圓治同上。方見諸痔類

蛻皮散治肛門或因洞泄。或因用力太過。脫出不收。

蛻皮 一個燒存性 磁石 煨碎 桂心 各半兩

右爲末。每服二錢。米飲。空心調下。治女人陰脫。加鰲頭一枚。燒灰研入。

香荊散治肛門脫出。大人小兒悉皆治之。

香附子 一兩半炒去毛 荊芥穗 二兩

右爲末。每服三匙。水一大碗。煎熱淋洗。

灸法 病寒冷脫肛出。灸臍中隨年壯。

脫肛歷年不愈。灸橫骨百壯。又灸脊窮骨上七壯。

諸痔

〔冷證〕釣腸圓治久新諸痔。肛邊腫痛。或生瘡癢。時有膿血。

栝樓 二個燒存性 蛻皮 兩個剉碎內燒存性 白礬 煨 綠礬 枯

胡桃仁 十五個不油者罐內燒存性 白附子 生用 半夏 天南星 鷄冠花 五兩剉炒

大方脈雜醫科 脫肛 諸痔

右為末。醋麵糊丸。如梧子大。每服二十九。空心臨臥。溫酒下。遠年不差者。服十日見效。久服除根。

黑玉丹治同上。方見失血類

橘皮湯治氣痔。

橘皮 枳殼炒 川芎 槐花炒各半兩 檳榔 木香

桃仁浸去皮炒 紫蘇莖葉 香附子 甘草各二分

右剉散。每服三錢。水一盞半。生薑三片。紅棗二枚。煎服。

立效圓

百藥煎研為末。每服三錢。煮稀白粥攪勻服之。立愈。糊丸米飲下亦可。

黑圓子專治久年痔漏下血。用之累驗。

乾薑 百草霜各一兩 木饅頭二兩 烏梅 敗棕 柏葉

亂髮各五分

右各燒灰存性。再入桂心三錢。白芷五錢。同為末。醋糊丸。梧桐子大。空心三十丸。米飲下。

〔熱證〕逐瘀湯通利大小便。取下黑物。

川芎 白芷 生乾地黃 赤芍藥 五靈脂 枳殼製

阿膠炒 蓬莪朮煨 茯苓 茯神 大木通 生甘草各一分

實大黃 桃仁湯去皮焙各一分半

右剉散。每服三錢。井水一碗。生薑三片。蜜三匙煎服。以利為度。瘀血作痛通用。

白玉丹治久年腸痔下血。服藥不效者。

寒水石不以多少

右煨紅。研細水飛。再入銀窩中煨紅。用糯米糊丸。梧桐子大。每服五六十圓。陳米飲下。只一服。

黃連阿膠圓解熱調血。枳殼散送下。方見泄瀉及婦人護胎類

槐角圓治腸風痔瘡內生蟲。裏急下膿血。止癢痛。消腫聚。祛濕毒。服之除根。方見前

乾葛湯專治酒痢。

白乾葛 枳殼炒 半夏 茯苓 生乾地黃 杏仁各半兩

黃芩 甘草一分

右剉散。每服三錢。黑豆百粒、薑五片、白梅一個煎服。

寬腸圓五灰膏塗痔瘡之後。或臟腑秘結不通者。用此藥寬腸。五灰膏方見後

黃連 枳殼各半分

右爲末。麵糊圓。如梧子大。每服五十丸。空心米飲下。

〔通治〕秘方治諸痔捷效。

右用白礬信石各少許。於新瓦上煨過爲末。再入朱砂末少許。以新汲井水調成膏。用舊金紙上藥。隨瘡大小貼之。先用鬱金國丹末。以鵝翎刷於瘡四畔圍護。恐傷好肉。凡上藥。貴宜人肉理嬌脆。薄少用之。愚俗人肉理粗厚。稍多許用之。大抵上藥後多疼。不可太過爲妙。仍用大青根晚蠶沙煎水洗後。再上藥。兼服槐角圓皂角丸。臟腑結熱秘甚。八正散加燈心枳殼薄荷葉煎。再用大黃茶莽草荊芥穗防風煎水洗效。八正散方見積熱類

又方用川白芷煮白苧作線。快手緊繫痔上。微疼不妨。其痔自然乾痿而落。七日後安。

五灰膏治臟腑一切蘊毒。發爲痔瘡。不問遠年近日。形似鷄冠蓮花核桃牛乳。或內或外。並皆治之。

蕎麥灰七升 荊柴 薊柴 山白竹 老杉枝

右以四件柴竹截作一尺許長。以斧劈破成片。各取一束曬乾。於火上燒過。置壘內爲炭。防爲風所化。俟燒盡。却以水於鍋內煮出炭汁。又用酒漏以布帛實其竅。而置蕎麥灰於酒漏內。以所煮炭汁淋之。然後取汁於鍋內慢火熬汁。約取一小碗。候冷入石灰國丹調和成膏。以瓦瓶貯之。上用石灰傅面。不令走氣。臨用却去石灰。以冷水調開。令病者以水洗淨痔瘡。仰臥。搭起一足。先以濕紙於瘡四圍貼護。却用。收效必矣。

熏方

蝟皮方三指大 雄黃 熟艾如鷄子大

爲末。用瓶一個。以灰實一半。如燒香法。安高桶內。坐其上。莫令烟透。烟從口中香出方好。三度熏。永差。勿犯風冷。

洗方 用槐花荊芥枳殼艾葉以水煎。入白礬熏洗。

又方

黃連 黃芩 京芥 蛇床子各一兩 側柏葉四兩 槐條

鏡面草 蚶蚩草各一握

右用新汲水熟煎。傾盆內熏。候通手却洗。

蓮子散

蓮子十四個 草芽茶十四個 乳香隨上二藥多少入

右三味同搗。以紙裹煨透。先以黃連湯洗患處。然後以藥生貼之。

木鱉散

木鱉子 百藥煎

右等分爲粗末。每服一掬。布裏煎湯。以桶盛之。蓋上穴一竅。先以氣熏蒸。後通手洗之。

〔敷法〕熊膽膏傳痔極效。

熊膽研細 腦子研細

右各少許。用井花水調。以鷄羽拂痔上。

枯礬散治五痔痛癢。

枯礬半錢 腦子一字

右并研爲末。先用魚腥草濃煎汁。放溫洗。次用少許傳痔上效。

消石散

右用寒水石朴消爲末。以津潤手指。點藥敷瘡上立效。

葱青散

右用葱青刮去涎。對停入蜜。調勻。先以木鱉子煎湯熏洗。然後傳藥。其冷如冰。

又方耳環草一名碧蟬兒花。手挪軟。納患處即愈。

又方川山甲自尾根盡處數。除三鱗不用。取第四第五第六鱗橫三行。燒存性爲末。用麝香少許。臘

茶一匙同調。空心服。以澄下濃者傳瘡上。其冷如冰。永不痛。無不效。

蝸牛散治痔瘡腫脹。作熱如火。

右用蝸牛螺一個。以冰片腦子麝香各少許。同入瓦器內盛。頓逼半日。自化成水。以少許點瘡上

立愈。

灸法 平立量脊骨與臍平。椎上灸七壯。或年深。更於椎骨兩傍各一寸灸如上數。無不除根。

又法治痔疾大如胡瓜。貫於腸頭。熱如燂灰火。發則僵仆。以柳枝濃煎湯。洗後以艾炷灸其上三

五壯。若覺一道熱氣入腸中。大瀉鮮紅血穢惡。一時至甚痛楚。瀉後其疾如失。

久冷五痔便血。灸脊中百壯。

五痔便血失尿。灸回氣百壯。穴在脊窮骨上。

世醫得效方卷第七終

世醫得效方卷第八

大方脉雜醫科

諸淋

〔冷證〕生附湯治冷淋小便秘澀。數起不通。竅中疼痛。增寒凜凜。多因飲水過度。或為寒泣。心虛志耗。皆有此證。

附子去皮

滑石各半兩

瞿麥

木通

半夏各三分

右剉散。每服二大錢。水二盞。生薑七片。燈心二十莖。蜜半匙煎。去滓空心服。

八味圓治同上。方見脚氣類

〔熱證〕八正散治熱淋血淋。加燈心車前草煎。不拘時候服。方見積熱類

地膚子湯治下焦有熱。及諸淋閉不通。

地膚子一兩

知母

黃芩

猪苓去皮

瞿麥

枳

實去穢切炒

升麻 通草 葵子 海藻洗去腥各一兩

右剉散。每服四錢。水一盞半煎。空心服。大便俱閉者加大黃。女人房勞小便難。大腹滿痛。脉沉細者。用猪腎半隻。水二盞。煎一盞半。去腎入藥。煎七分服。

石韋散治熱淋。多因腎氣不足。膀胱有熱。水道不通。淋瀝下宜。出少起數。臍腹急痛。蓄作有時。勞倦則發。或尿如豆汁。或便出沙石疼痛。兼治大病後餘熱為淋。

木通 石韋去毛各一兩 甘草 當歸 王不留行 滑石

白朮 瞿麥 赤芍藥 葵子各一兩半

右為末。每服二錢。煎小麥湯調。食前日三服。

清心蓮子飲治上盛下虛。心火炎上。口苦咽乾。煩渴微熱。小便赤澀。或欲成淋。並宜服之。方見瘡濁類 火府丹治心經熱。小便澀。及治五淋。

生乾地黄二兩 木通一兩 黃芩一兩

右為末。煉蜜杵圓。梧桐子大。每服三十粒。木通煎湯下。

〔膏淋〕鹿角霜圓治膏淋。多因憂思失志。意舍不寧。濁氣干清。小便淋閉。或復黃赤白黯。如脂膏狀。

疲極筋力。或傷寒濕。多有此證。

鹿角霜 白茯苓 秋石各等分

右為末。糊圓。梧桐子大。每服五十圓。米湯下。

海金砂散治膏淋。

海金砂 滑石末各一兩 甘草末一分

右研勻。每服一匕。用麥門冬湯下。燈心湯亦可。

〔氣淋〕沉香散治氣淋。多因五內鬱結。氣不舒行。陰滯於陽。而致壅滯。小腹脹滿。便尿不通。大便分泄。小便利。

沉香 石韋去毛 滑石 王不留行 當歸各半兩 葵子

白芍藥各三分 甘草 橘皮各一分

右為末。每服二錢。煎大麥湯調下。

〔血淋〕髮灰散治血淋。若單小便出血如尿。此為莖衄。此主之。

右以亂髮不以多少。燒為灰。入麝香少許。每服用米醋泡湯調下。治淋以葵子末等分。用米飲調

下。最治婦人胞轉不尿。

柿灰散治血淋。

右用乾柿燒灰存性。爲末。米飲調服。

犀角地黃湯治血淋或血瘀。乃風冷傷腎。宜煎木通湯下。免絲子圓三十圓。不可專以血得熱則渾

溢爲說。方見失血虛損

乳石散治血淋及五淋等。

右揀乳香中夾石者。研細。以米飲或麥門冬湯調下。每服以飢飽適中時服。空心亦可。

小薊飲子治下焦結熱。尿血成淋。

生地黄洗四兩

小薊根

滑石

通草

蒲黃炒

淡竹葉

藕節

當歸

山梔子仁

甘草各半兩

右剉散。每服四錢。水煎空心服。

導赤飲治心虛蘊熱。小便赤澀。或成淋痛。

生乾地黄

木通

甘草各等分

右剉散。每服三錢。竹葉十皮煎。不拘時服。

白薇散治血淋熱淋。

白薇

芍藥各等分

右爲末。每服二錢。酒調下立效。或加檳榔。

通秘散治血淋痛不可忍。

陳皮

香附子

赤茯苓各等分

右剉散。每服三錢。水煎空心服。

〔沙石淋〕石燕圓治小便滲痛不可忍。出沙石而後方通。

石

燕燒紅水淬二次研細

滑石

石韋去毛

瞿麥穗

右等分爲末。糊圓梧桐子大。每服五十圓。瞿麥穗燈心湯下。日三服。

又方乳石散治同上。方見前

限眩膏治諸淋疼痛不可忍。及沙石淋。

右以大蘿蔔切作一指厚四五片。用好蜜淹少時。安鐵鏟上。慢火炙乾。又蘸又炙。取盡一二兩蜜。

翻覆炙令香熟。不可焦。候冷細嚼。以鹽湯送下。

苦杖散治沙石淋諸淋。每溺時。器中剝剝有聲。痛楚不堪。

右以杜牛膝淨洗碎之。凡一合。用水五盞。煎耗其四。而留其一。去滓。以麝香乳香少許研調服之。單酒濃煎亦效。

〔通治〕透膈散治諸淋。

滑石一兩
研細

右勞淋勞倦虛損則發。用葵花末煎湯調二錢服。血淋熱淋。并花水調。氣淋木通湯調。石

淋。將藥下入銚子內。隔紙炒至紙焦。再研細。用溫水調。小便不通。小麥湯下。諸淋並冷水調

亦可。空心。

地髓湯治五淋。方見前苦
杖散同

猪苓湯治五淋。

猪苓去皮

赤茯苓

阿膠炙過

澤瀉

白滑石各一兩

右剉散。每服五錢。水一盞半煎。溫服。

五淋散治腎氣不足。膀胱有熱。水道不通。淋瀝不出。或如豆汁。或如砂石。或冷淋如膏。或熱沸便血。並皆治之。

赤茯苓一兩

赤芍藥

山梔子仁各三兩半

當歸

甘草各一兩

右剉散。每服三錢。水一盞半煎。空心服。

通草湯治同上。

通草

葵子

茆根

桃膠

瞿麥

當歸

蒲黃

滑石各一兩

甘草半兩

王不留行一兩

右剉散。每服三錢。生薑五片煎。不拘時服。

品方治淋疾數年不愈者。

右以四君子湯去甘草。每服三錢。水一盞煎服。

淡竹葉湯

淡竹葉

甘草

燈心

棗子

烏豆

車前子

右不拘多少。以水濃煎湯。代熟水服甚妙。

葵子湯治小便微痛漸難欲出不出痛不可忍。

赤茯苓一兩 葵子 石韋去毛 澤瀉各半兩 白朮二錢
右剉散每服三錢水一盞半煎七分溫服。

虛損

養榮湯治積勞虛損四肢沉滯骨肉酸疼吸吸少氣行動喘乏小便拘急腰背強痛心虛驚悸咽乾唇燥飲食無味陰陽衰弱悲憂慘戚多臥少起久者積年急者百日漸至瘦削五臟氣竭難可振復又治肺與大腸俱虛咳嗽下利喘促少氣嘔吐痰涎。

黃耆 當歸 桂心 甘草 橘皮 白朮
人參各一兩 白芍藥三兩 熟地黃 五味子 茯苓各三分 遠志去心薑炒半兩

右剉散每服三錢生薑三片紅棗二枚煎空腹服遺精夢泄加龍骨一兩咳嗽加阿膠甚妙。
參香散治心氣不寧諸虛百損肢體沉重情思不樂夜多異夢盜汗失精恐怖煩悸喜怒無時口乾咽燥渴欲飲水飲食減少肌肉瘦悴漸成勞瘵常服補精血調心氣進飲食安神守中功效不可盡述。

人參 黃耆 白茯苓 白朮 山藥 蓮肉去心各一兩
烏藥 縮砂仁 橘紅 乾薑炮各半兩 甘草炙三分 丁香
南木香 檀香各一分 沉香二錢

右剉散每服三錢薑三片棗一枚煎食前服一法有炮熟附子半兩或為末一匕蘇鹽湯調亦可。
黃耆益損湯治男子婦人童男室女諸虛不足榮衛俱弱五勞七傷骨蒸潮熱腰背俱急百節酸疼夜多盜汗心常驚惕咽燥唇焦嗜臥少力肌膚瘦瘠咳嗽多痰咯唾血絲寒熱往來頰赤神昏全不用食服熱藥則煩躁衝滿上焦進涼藥則膈滿而腹痛宜服此藥極有神效兼治大病後榮衛不調婦人產後血氣未復。

人參去蘆 石斛去根 甘草 黃耆去蘆 木香 白朮
當歸 正桂 茯苓 芍藥 半夏 川芎
熟地黃去土酒炒 山藥 五味子 牡丹皮去骨 麥門冬去心各等分
右剉散每服三錢水一盞半生薑五片棗二枚小麥五十粒烏梅一個煎空心食前服。

正元散治下元氣虛。臍腹脹滿。心脇刺痛。泄利嘔吐。自汗。陽氣漸微。手足厥冷。及傷寒陰證。霍亂轉筋。久下冷利。少氣羸困。一切虛寒。並宜服之。常服助陽消陰。正元氣。溫脾胃。進飲食。

人參 白茯苓 白朮各二兩 黃耆兩半 甘草 烏藥

山藥薑汁浸炒 附子炮去皮臍 川芎 乾葛各一兩 桂心 烏頭炮去皮尖各半兩

紅豆炒 乾薑炮 橘皮各三錢

右剉散。每服三錢。水一盞半。生薑三片。棗二枚。鹽少許煎。食前冷服。自汗加浮麥。

萬安圓補下經。起陰發陽。能令陽氣入腦。安魂定魄。開三焦。破積聚。消五穀。益精氣。安臟腑。除心中虛熱。強筋骨。輕身明目。去冷除風。無所不治。補益極多。常服最妙。七十老兒服之。當有非常力。

菴蓉四兩酒浸 乾薯芋 五味子各二兩半 杜仲三兩半 牛膝酒浸 兔絲子酒浸

赤石脂煨 白茯苓去皮 澤瀉 山茱萸去核 巴戟去心 熟乾地黄已上各二兩

附子炮去皮臍 牡丹皮去骨 官桂去粗皮各一兩

右爲末。別用菴蓉末半斤。酒熬膏。和圓梧桐子大。每服五七十圓。空心。溫酒下。不在將息。別無所忌。只忌醞醋及陳臭之物。七日後四體光澤。口唇赤。手足熱。面有光潤。消食體輕。舌厚聲響。是其

驗也。十日長肌肉。其藥通中入腦。鼻辛酸。不可怪也。又加減法。若要肥。加煨煌石膏二兩。如失狂多忘。加遠志一兩。體少津潤。加柏子仁一兩。欲進房事。加白馬莖。若無。用鹿茸代之。二兩去毛酥炙。陰下濕癢。加蛇床子一兩。煨燥。如火色也。

增益歸茸圓滋養肝腎。益心血。利足膝。實肌膚。悅顏色。興男子。衛生之良藥也。此方專理肝心腎之血。澤瀉則引諸藥入腎。

熟乾地黄酒浸九蒸 鹿茸去毛酥炙 五味子各四兩 山藥酒浸 山茱萸去核 大附子炮去皮

川牛膝酒浸一宿各二兩 白茯苓 牡丹皮去骨 澤瀉酒浸一宿各一兩半 大當歸四兩去蘆 黃連二兩去鬚

右爲末。用眞鹿角膠半斤剉細。入銀石器中煮酒圓。梧桐子大。每服五十圓。空心。溫酒鹽湯下。增損樂令湯治諸虛不足。小腹急痛。脇肋臏脹。臍下虛滿。胸中煩悸。面色痿黃。唇乾口燥。手足逆冷。體常自汗。腰背強急。骨肉酸疼。咳嗽喘乏。不飲食。或因爲傷過度。遠行後不復。

黃耆去蘆 人參去蘆 橘皮去白 當歸去尾 桂心 細辛

前胡去蘆 甘草 茯苓 麥門冬去心 芍藥各二兩 附子炮去皮臍

熟地黄酒炒各一兩 半夏湯洗三兩半 遠志三分去心炒

右剉散。每服三錢。水一盞半。生薑五片。棗子二枚煎。食前服。腹滿食少去棗。下焦虛冷不甚渴小便數者。倍人參當歸附子。煩渴引飲加栝樓根。遺泄白濁加龍骨白斂。小腹急。引心痛者。加乾薑。黃耆圓治丈夫腎臟風虛。上攻頭面虛浮。耳內蟬聲。頭目昏眩。項背拘急。下注腰脚。脚膝生瘡。行步艱難。脚下隱疼。不能踏地。筋脉拘攣。不得屈伸。四肢少力。百節酸疼。腰腿冷重。小便滑數。及癱緩風痺。遍身頑麻。又療婦人血風。肢體癢痛。脚膝緩弱。起坐艱難。並宜服之。

黃耆去蘆 杜蒺藜剉炒去刺 茵香炒 川練子去核 川烏炮去皮 赤小豆
地龍去土炒 烏藥二兩 防風去蘆

右爲末。酒煮麵糊圓。梧桐子大。每服十五圓。溫酒鹽湯吞下。婦人醋湯下。空心服。

茴香圓治丈夫元臟久虛。冷氣攻衝。臍腹疝痛。腰背拘急。面色萎黃。飲食減少。及膀胱小腸氣痛。並腎臟風毒。頭面虛浮。目暗耳鳴。脚膝少力。腫痛生瘡。婦人血臟虛冷。食減少力。肢體疼痛。並宜服之。久服補虛損。除風冷。壯筋骨。明耳目。

威靈仙洗去土 川練子炒 川烏去皮 杜烏藥五兩 川椒去目及閉口者炒出汗二兩
地龍去土炒 赤小豆八兩 陳皮 草薢各三兩 茵香炒八兩 防風去蘆

右爲末。煮麵糊圓。如梧子大。空心晚食前。溫酒下二十圓。鹽湯亦可。糊用酒煮。小腸氣痛。炒茴香。生薑酒下。脚轉筋。木瓜湯下。婦人血臟虛冷。溫醋湯下。臍腹絞痛。滑泄冷痢。濃艾湯下。還少丹補心腎虛損。脾胃怯弱。神志俱耗。腰脚沉重。精神昏亂。氣血凝滯。飲食無味。肌體瘦倦。小便白濁。耳聾目暗等疾。

山藥 川牛膝酒浸各一兩半 白茯苓去皮 楮實子 舶上茴香 巴戟去心酒浸
杜仲去粗皮薑酒塗炙 肉蓯蓉酒浸一宿焙 五味子 石菖蒲微炒 枸杞子各一兩
遠志一兩甘草水煮去心薑汁拌炒 熟地黃酒洗蒸半兩 山茱萸去核

右爲末。煉蜜入棗子蒸熟。去皮核。同爲圓。梧桐子大。朱砂末五錢爲衣。每服三十圓。空心。溫酒鹽湯下。日進三服。心氣不寧。加麥門冬。少精神加五味子。陽弱加續斷。久服百病不侵。

天真圓治男子婦人先曾損血。及脫血肌瘦。絕不入食。行步不得。手足痿弱軟遂。血氣枯槁。形神不足。如滑腸不食。守死無法可治者。如咽喉窄。下食不得。只能五七粒漸服之。粒數多便可養起。久服令人面色紅潤。無血者使生血。並津液乾大便燥者。服之自潤。實中有虛。虛中有實。皆可治之。

羊脂七斤精者去筋膜脂皮批開入藥 肉蓯蓉十兩 濕山藥去皮 當歸去蘆洗 天門冬泡去心切

右四味。安在羊肉內。裹定。用麻縷扎縛。取上色糯酒四瓶。煮令盡。再入水二升。又煮。直候肉如泥。再入黃耆末五兩。人參末三兩。白朮末二兩。熟糯米飯焙乾。為末一十兩。前後藥末。同劑為圓。梧桐子大。一日約服三百粒。初服百粒。加至前數。服之。覺有精神。美飲食。手足添力。血脉便行。輕健。如久瘡不言者。服之半月。語言有聲。血下喘咳。行步不得。服之效。恐難圓。即入蒸餅五七枚。焙乾。為末。同搜和之。酒送下。空心食前。鹽湯亦可。

地仙丹治男子五勞七傷。腎氣虛憊。行步難苦。女人血海虛冷。月經不調。臟寒少子。又治痔瘻。腸風下血。諸風諸氣。並皆治之。有人得風氣疾。變結痔瘡。服之頓除。

- 川牛膝 酒浸四兩
- 肉蓯蓉 酒浸四兩
- 覆盆子
- 白附子
- 兔絲子 酒浸
- 赤小豆
- 天南星
- 川羌活
- 骨碎補 去毛
- 金毛狗脊 去毛
- 何首烏
- 草薺
- 防風 去蘆又
- 烏藥 各二兩
- 川椒 去目
- 綿附 炮去
- 白朮
- 甘草
- 白茯苓
- 川烏 炮去皮各一兩
- 人參
- 黃耆 各一兩半
- 木鱉子 去皮
- 地龍 去土各三兩

右為末。酒麵糊為圓。梧桐子大。每服三十圓。空心酒下。

補骨脂散治因感卑濕致疾。久之陽氣衰絕。乳石補益藥不效。服此收功。常服延年益氣。悅心明目。

補益筋骨。忌食芸薑羊血。

- 好破故紙 十兩揀淨洗為末
- 胡桃肉 去皮二兩研如泥

右煉蜜和二味。均如飴。盛瓦器中。旦日以溫酒化藥一匙。熟水亦可。或為圓服。

宮方瑞蓮圓治濕定心。消痰。暖腎水。勻血。去黑痣。

- 蒼朮 主脾一斤酒浸四兩醋浸四兩米泔浸四兩生用四兩
- 蓮肉 主心一斤去皮心酒浸軟入豬肚內煮極爛取出焙乾研豬肚為膏蓮肉一斤約肚二個
- 北五味子 主肺二兩去枝梗
- 破故紙 主腎二兩微炒
- 熟地黃 主血二兩酒洗蒸

右為末。豬肚膏酒煮麵為圓。如梧子大。每服四十圓。空心。溫酒鹽湯下。

無名丹補虛守神。澀精固陽道。男子服之有奇功。

- 蒼朮 一斤不浸許春令稍滑淨篩去粗皮
- 龍骨 二兩
- 赤石脂 二兩
- 大川烏 一兩炮去皮臍
- 破故紙 二兩微炒
- 川練子 三兩去皮
- 舶上茴香 一兩微炒
- 蓮肉 去心
- 白茯苓 去皮
- 遠志 鹽甘草水煮取皮囊汁拌炒各一兩

右為末。酒煮麵糊圓。如梧子大。朱砂一兩。另研為衣。三十圓。漸加至百圓。食前。溫酒米飲鹽湯皆。可。婦人無子。服之效。

大建中湯治諸虛不足。小腹急痛。脇肋臃脹。骨肉酸痛。短氣喘促。痰多咳嗽。潮熱多汗。心下驚悸。腰

背強痛。多臥少起。
 黃耆去蘆 附子炮去皮臍 鹿茸酒蒸 地骨皮去木 續斷去蘆 石斛去根
 人參去蘆 川芎 當歸酒浸 白芍藥 小草各一兩 甘草炙半兩
 右剉散。每服三錢。水一盞半。生薑五片煎。不以時服。咳嗽加款冬花。唾血加阿膠。便精遺泄加龍骨。怔忡加茯神。

黃耆建中湯治男子女人諸虛不足。小腹急痛。脇肋臌脹。臍下虛滿。胸中煩悸。面色痿黃。唇乾口燥。少力身重。胸滿短氣。腰背強痛。骨肉酸疼。行動喘乏。不能飲食。或因勞傷過度。或因病後不復。並宜服之。

黃耆去蘆 肉桂三兩 甘草炙二兩 白芍藥六兩

右剉散。每服三錢。水一盞半。生薑三片。棗一枚煎。去滓。入錫少許。再煎令溶。空心稍熱服。

人參黃耆散治虛勞客熱。肌肉消瘦。四肢倦怠。五心煩熱。口燥咽乾。頰赤心忪。日晚潮熱。夜有盜汗。胸脇不利。減食多渴。咳唾稠粘。時有膿血。

天門冬去心 半夏湯洗七次去滑糞汁炒 桑白皮炒各兩半 鱉甲去裙醋炙二錢 知母

紫苑各半兩 秦艽二兩 人參一兩 白茯苓二兩 黃耆 赤芍藥各一兩

柴胡 地骨皮各二兩 甘草一兩 桔梗一兩

右剉散。每服三大錢。水一盞半煎。食後溫服。

安腎圓治腎經久積陰寒。膀胱虛冷。下元衰憊。耳重昏焦。腰腿腫疼。臍腹撮痛。兩脇刺脹。小腹堅疼。下部濕癢。夜夢遺精。恍惚多驚。皮膚乾燥。面無光澤。口淡無味。不思飲食。大便澀滯。小便滑數。精神不爽。事多健忘。常服補元陽。益腎氣。功效殊甚。

桃仁炒四兩 肉桂一兩 白蒺藜炒去刺 巴戟去心 肉蓯蓉酒浸 山藥

破故紙 茯苓 石斛去根 草薺 白朮各四兩 川烏炮去皮臍

右為末。煉蜜圓。梧桐子大。每服三十圓。溫酒鹽湯任下。空心食前。小腸氣。炒茴香鹽酒下。

雙和湯治男子婦人五勞六極七傷。心腎俱虛。精血氣少。遂成虛勞。百骸枯瘁。四肢倦怠。寒熱往來。咳嗽咽乾。行動喘乏。面色痿黃。略有所觸。易成他疾。或傷於冷。則宿食不消。脾疼腹痛。瀉痢吐逆。或傷於熱。則頭旋眼暈。痰涎氣促。五心煩熱。或因飢飽動作。喜怒驚恐。病隨而至。或虛脹而不思食。或多食而不生肌肉。心煩則虛汗盜汗。一切虛勞不敢服燥藥者。並宜服之。常服調中養氣。益血育神。

和胃進食。補虛損。

白芍藥三兩 當歸酒洗炒 熟地黃洗酒 黃耆去蘆炙 甘草炙一兩 川芎去蘆一錢
 肉桂一兩

右剉散。每服三錢。生薑三片。棗二枚煎。空心食前服。忌生冷果核等物。

十四味建中湯治榮衛不足。腑臟俱傷。積勞虛損。形體羸瘠。短氣嗜臥。寒熱頭痛。咳嗽喘促。嘔吐痰沫。手足多冷。面白脫色。小腹拘急。百節盡疼。夜臥汗多。夢寐驚悸。小便滑利。大便頻數。失血虛極。心忪面黑。脾腎久虛。飲食失虧。

當歸去蘆洗酒浸焙 白芍藥 白朮洗 麥門冬去心 甘草 肉蓯蓉酒浸一宿焙乾
 人參去蘆 川芎 肉桂去粗皮 附子炮去皮 黃耆炙 半夏湯洗
 茯苓去皮 熟地黃酒浸一宿焙乾

右等分剉散。每服三錢。生薑三片。紅棗二枚煎。食前服。

青娥圓治腎氣虛弱。風冷乘之。或血氣相搏。腰痛如折。起坐艱難。俯仰不利。轉側不能。或因勞役過度。傷於腎經。或處卑濕。地氣傷腰。或墜墮傷損。或風寒客搏。或氣滯不散。皆令腰痛。或腰間似有重

物繫墜。起坐艱辛。悉能治之。方見腰痛類

十全大補湯治男子婦人諸虛不足。五勞七傷。不進飲食。久病虛損。時發潮熱。氣攻骨脊。拘急疼痛。夜夢遺精。面色萎黃。腳膝無力。一切病後氣不如舊。憂愁思慮。傷動血氣。喘嗽中滿。脾腎氣弱。五心煩悶。並皆治之。此藥性溫不熱。平補有效。養氣育神。醒脾止渴。順正辟邪。溫暖脾腎。其效不可具述。又名十補湯。

人參去蘆 肉桂去粗皮 川芎 熟地黃洗酒 茯苓去皮 白朮
 甘草 黃耆去蘆 川當歸去尾 白芍藥各等分

右剉散。每服三錢。水一盞半。生薑三片。棗一枚煎。空心服。

秦艽鱉甲散治男子婦人氣血勞傷。四肢倦怠。肌體瘦弱。骨節煩疼。頭昏頰赤。肢體枯槁。面色痿黃。唇焦口乾。五心煩熱。痰涎咳嗽。腰背引痛。乍起乍臥。夢寐不寧。神情恍惚。時有盜汗。口苦無味。不美飲食。及治山嵐瘴氣。寒熱往來。

荆芥去梗 貝母去心各一兩 白芷牛兩 乾葛二兩 天仙藤 前胡各一兩
 羌活 肉桂各半兩 青皮 柴胡去鬚 甘草 秦艽去蘆

鰲 甲去裙醋炙一兩

右剉散。每服三錢。水一盞半。生薑三片煎。不拘時。爲末酒調亦得。常服養氣血。調榮衛。解倦怠。沉香鰲甲散治男子婦人五勞七傷。氣血虛損。腰背拘急。手足沉重。百節痠疼。面色黑黃。肢體倦怠。行動喘乏。胸膈不快。咳嗽痰涎。夜多異夢。盜汗失精。嗜臥少力。肌肉瘦悴。不思飲食。日漸羸弱。一切勞傷諸虛百損。並能治之。

乾 蝎二錢半

沉 香

人 參

木 香

巴 戟去心各半兩

附 子去皮鹽一兩

肉 豆 蔻四個

肉 桂一兩

川 當 歸去尾

熟 乾 地 黃淨洗酒酒焙七錢半

白 茯 苓

牛 膝去蘆

黃 耆各半兩

羌 活七錢半

柴 胡去蘆

荆 芥去梗

半 夏薑汁炒各半兩

鰲 甲去裙醋炙一兩

秦 艸半兩去蘆

右剉散。每服三錢。水一盞半。生薑三片。葱白二寸。棗二枚。擘破煎。空心食前服。

小安腎圓治腎氣虛乏。下元冷憊。夜多漩溺。肢體倦怠。漸覺羸瘦。腰膝沉重。嗜臥少力。精神昏憤。耳作蟬鳴。面無顏色。泄瀉腸鳴。眼目昏暗。牙齒蛀痛。並皆治之。

香附子

川 烏

川 練 子各半斤用鹽二兩水二升同煮候乾剉焙

熟 乾 地 黃二兩

茵 香六兩

川 椒二兩去目及閉口者炒出汗

右爲末。酒糊圓。如梧子大。每服二十圓至三十圓。空心。鹽湯鹽酒任下。常服補虛損。下元冷憊。橘皮煎圓治久虛積冷。心腹疼痛。嘔吐痰水。飲食減少。脇肋虛滿。臍腹弦急。大腸虛滑。小便利數。肌膚瘦悴。面色萎黃。肢體怠惰。腰膝緩弱。及治瘰癧積聚。上氣咳嗽。久瘧久痢。腸風痔瘻。婦人血海虛冷。赤白帶下。久無子息。並宜服。

荆 三 棧煨熟乘熱搗碎三兩

陳 橘 紅淨洗焙十五兩

當 歸洗去蘆焙

草 薺

厚 朴去皮薑汁炒

肉 蓯 蓉酒浸焙乾

肉 桂

附 子炮去皮鹽

陽 起 石酒浸研粉如粉

巴 戟去心

石 斛去根

鹿 茸茄子者燎去毛劈開酒浸炙乾

牛 膝去苗酒浸焙

兔 絲 子酒浸焙乾炒

杜 仲薑汁炒

吳 茱 萸洗焙

乾 薑泡已上各三兩

甘 草炙一兩

右爲末。用酒五升。於銀石器內將橘皮末熬如餲。却入諸藥末攪和搜勻。仍以白內搗五百杵。圓

如梧子大。每服二十圓。空心。溫酒或鹽湯吞下。

生犀散治骨蒸肌瘦。頰赤口乾。日晚潮熱。夜有盜汗。五心煩躁。及大病瘥後。餘毒不解。

犀 角 鈔

地 骨 皮去骨

秦 艸去蘆

麥 門 冬去心

枳 殼煨去

大 黃煨

柴胡去蟻 茯苓去皮 赤芍藥 桑白皮去赤 黃耆去蟻 人參去蟻
 鱉甲醋炙 知母各等分

右剉散。每服三錢。陳青蒿一根煎。桃枝亦可。小兒疳病熱似骨蒸者。及久病後或虛後。時復來作潮熱者。瘧疾亦用。有痰加半夏。熱輕去大黃加黃芩。

北亭圓治脾元氣弱。久積陰冷。心腹脇肋脹滿刺痛。面色青黃。肌體瘦弱。怠惰嗜臥。食少多傷。噫氣吞酸。噦逆惡心。腹中虛鳴。大便泄利。胸膈痞塞。飲食不下。嘔噦霍亂。體冷轉筋。及五膈五噎。疰瘕瘰癧。聚。翻胃吐食。久痛久痢。並治之。

縮砂仁 胡椒 肉桂 厚朴去粗皮 附子炮去 川芎
 當歸 陳皮 乾薑 甘草各四兩 阿魏醋化去沙石
 白朮三兩 青鹽別研 北亭醋淘去沙石 五味子據一兩半

右爲末。用銀石鍋內入好酒醋五升。白沙蜜十兩。先下北亭阿魏青鹽三味。並好頭麵一升。同煎稠粘。便下藥末半斤以來。更煎如稀麵糊。漸漸入藥末煎得所。離火。取出更以乾藥末和搜成劑。更搗千杵。圓如梧桐子大。每服十五圓。微嚼破。用生薑鹽湯下。溫酒亦可。空心服。忌羊血豆豉汁。

鹿茸大補湯治男子婦人諸虛不足。產後血氣耗傷。一切虛損。

鹿茸燎去毛 黃耆蜜炙 當歸酒浸 白芍藥 人參 附子炮各
 肉苁蓉酒浸 肉桂一兩 杜仲炒二兩 石斛酒浸 五味子各一兩半 熟地黃酒浸
 白茯苓二兩 半夏 白朮煨各一兩半 甘草半兩

右剉散。每服三錢。水一盞半。生薑三片。棗二枚煎。空心熱服。

養腎散治腎氣虛損。腰脚筋骨疼痛。膝脛不能屈伸。久病脚膝緩弱。每服一字。空心豆淋酒下。服訖麻痺少時。須臾疾隨藥氣頓愈。骨中痛。嚼胡桃肉酒調下。甚者三五服。風寒濕悉治之。

草烏頭去皮 全蝎半兩 天麻三錢 附子二錢 蒼朮製一兩
 右爲末。空心溫酒調下。

巴戟圓補腎臟。暖丹田。興陽道。減小便。填精益髓。駐顏潤肌。治元氣虛憊。面目黧黑。口乾舌澀。夢想虛驚。眼中冷淚。耳作蟬鳴。腰膝沉重。百節痠疼。項筋緊急。背胛勞倦。陰汗盜汗。四肢無力。及治婦人子宮久冷。月脉不調。或多或少。赤白帶下。並宜服之。

良薑六兩 紫金藤十六兩 巴戟三兩 肉桂四兩 青鹽二兩 吳茱萸四兩

右爲末。酒糊圓。梧桐子大。每服二十圓。暖鹽酒送下。鹽湯亦可。日午夜臥各一服。
十補圓治真氣虛損。下焦傷竭。臍腹強急。腰脚疼痛。亡血盜汗。遺泄白濁。大便自利。小便滑數。或三消渴疾。飲食倍常。肌肉消瘦。陽事不舉。顏色枯槁。久服補五臟。行榮衛。益精髓。進飲食。

附子炮去 乾薑 兔絲子酒浸軟 桂心 厚朴去粗皮 巴戟去心

遠志去心薑汁浸炒 破故紙炒 赤石脂煨各一兩 川椒炒出汗去子并合口者二兩

右爲末。酒糊圓。梧桐子大。温酒或鹽湯下三十圓。空心。

白圓治元陽虛寒。精滑不禁。大腑滑泄。手足厥冷。

陽起石煨 鍾乳粉

右等分爲末。酒煮附子末爲圓。梧桐子大。每服五十圓。空心米飲下。

黑圓治精血耗竭。面色黧黑。耳聾目昏。口乾多渴。脚弱腰疼。小便白濁。上燥下寒。不受峻補。

鹿茸一兩煨去毛 當歸二兩酒浸

右各爲末。煮烏梅膏子爲圓。梧子大。每服五十圓。空心温酒下。

芡實圓治思慮傷心。疲勞傷腎。心腎不交。精元不固。面少顏色。驚悸健忘。夢寐不安。小便赤澀。遺精

白濁。足脛痠疼。耳聾目昏。口乾脚弱。

芡實蒸去殼 蓮花鬚各二兩 茯神去木 龍骨 山茱萸取肉 五味子

枸杞子 熟地黄酒蒸 韭子炒 肉蓯蓉 川牛膝去蘆酒浸焙 紫石英煨七次

右爲末。酒煮山藥糊爲圓。梧桐子大。每服七十圓。空心。鹽酒或鹽湯下。

天地煎治心血燥少。口乾咽燥。心煩喜冷。怔忡恍惚。小便黃赤。或生瘡瘍。

天門冬去心二兩 熟地黄九蒸曬一兩

右爲末。煉蜜圓。如梧子大。每服百圓。熟水人參湯任下。不拘時候。

石刻安腎圓治真氣虛。脚膝緩弱。目暗耳鳴。舉動倦乏。夜夢遺精。小便頻數。一切虛損。久服壯元陽。益腎氣。健筋骨。生血駐顏。扶老資壽。

蒼朮四兩一兩用茴香一兩炒一兩用青鹽一兩炒一兩用 川烏炮去 附子同上 川練子酒浸

巴戟去心炒 白朮炒 陳皮炒各一兩 肉蓯蓉酒浸 破故紙炒二兩 茯苓一兩 苓一兩

肉豆蔻麩裏煨 木香不見火 當歸火焙乾各一兩 杜仲炒去絲二兩 熟地黄酒浸蒸十次火焙 兔絲子酒浸

茴香 黑牽牛半生半炒 山藥炒各一兩 晚蠶蛾去頭足 葫蘆巴酒浸 肉桂不見火

石 斛炒 川牛膝酒浸炒 各一兩

右爲末。酒煮麵糊圓。梧桐子大。每服四十圓。空心鹽湯下。

青鹽圓補虛。益腎氣。明目。治腰疼。及治精滑漩多。四體困乏。久服有效。

黑牽牛二兩炒別 研取頭末 山 藥去皮 杜 仲炒斷 川 烏炮去 皮鱗 川練子去核 茴 香炒

紅椒皮炒 青 鹽別入 破故紙炒 陳 皮去白 蒼 朮切炒 黃色 附 子炮去 皮鱗

右等分爲末。入青鹽同酒煮麵糊圓。梧桐子大。每服三十圓。空腹鹽湯下。

無比山藥圓治丈夫諸虛百損。五勞七傷。頭痛目眩。手足逆冷。或煩熱有時。或冷痺骨疼。腰髁不生肌肉。食少脹滿。陽氣衰絕。陰氣不行。此藥補經脉。起陰陽。安魂魄。開三焦。破積聚。厚腸胃。強筋練骨。輕身明目。除風去冷。無所不治。

赤石脂 茯 神各一 兩 山 藥二兩 菴 蓉酒浸 四兩 巴 戟去心 一兩 杜 仲去皮炒 三兩

牛 膝去苗酒 浸一兩 五味子煉大 兩 澤 瀉一兩 兔絲子酒浸 三兩 熟乾地黄酒蒸 山茱萸各一 兩

右爲末。煉蜜圓。梧桐子大。每服二十圓至三十圓。食前。温酒或米飲下。此藥通中入腦。服後鼻必酸疼。勿怪。

拱辰丹男子方當壯年。而真氣猶怯。此乃稟賦素弱。非虛而然。借燥之藥。尤宜速戒。勿謂手足厥逆。便云陰多。如斯治之。不惟不能愈疾。大病自此生矣。滋益之方。羣品稍衆。藥力細微。難見功效。但固天元一氣。使水升火降。則五臟自和。百病自去。此方主之。

鹿 茸酥炙去 皮毛 川當歸洗去 土 山茱萸新好有肉紅潤 者去核各四兩 麝 香牛研 別研

右三件爲末。入麝香拌勻。酒煮麵糊爲圓。梧桐子大。每服一百粒。或五十粒。温酒鹽湯任下。

兔絲子圓治腎氣虛。面色鰲黑。目暗耳鳴。心忪氣短。舉動乏力。脚膝緩弱。小便滑數。房室不舉。股內濕癢。小便澀痛。出血遺瀝。久服補五臟。去萬病。益顏色。聰耳明目。

免絲子淨洗酒浸 炒一兩 石 斛去根 三分 熟地黄酒去土 炒 白茯苓去皮各 三分 川牛膝去苗酒浸 焙乾三分 五味子牛兩

澤 瀉一兩 山茱萸水洗去 核三分 鹿 茸去毛酥 炙一兩 川續斷三分 桑螵蛸酒浸 炒 覆盆子去枝葉并 萼各半兩

防 風去苗 又 杜 仲去粗皮炒 各三分 石龍芮去土 一兩 肉菴蓉酒浸 切焙 補骨脂酒炒 萆澄茄

黑角沉香 茴 香炒 川巴戟去心各 三分 大川芎半兩 肉 桂去粗 皮 綿附子炮去皮鱗 各一兩

右爲末。酒煮麵糊爲圓。梧桐子大。每服二十圓。温酒或鹽湯下。空心。脚膝無力。木瓜湯下。晚食前服。

大固陽湯治脫陽證。或因大吐大瀉之後。四肢逆冷。元氣不接。不醒人事。或傷寒新瘥誤行房。小腹緊痛。外腎搐縮。面黑氣喘。冷汗自出。亦是脫陽證。須臾不救。

附子一兩重炮 白朮 乾薑各半 木香一分

右剉散。用水二碗。煎至八分。去滓。放冷灌服。須臾又進一服。合滓併。

又方桂枝二兩。好酒二升。煎至一升。候溫。分作二服灌之。

又方葱白連鬚三七莖。細剉。砂盆內研細。用酒五升。煮至二升。分作三服灌之。陽氣即回。生薑二七

寸。切碎研。酒煎服亦效。仍炒葱白或鹽熨臍下氣海。勿令氣冷。

正氣補虛湯治憂患思慮。喜怒不常。失飢勞力。或飲食不調。肌肉減耗。榮衛虛弱。外邪所襲。入於經絡。頭痛昏悶。拘攣。增寒壯熱。身疼腰倦。脚弱轉筋。自汗。手足冷。四體麻痺。五臟諸虛百病。並皆治之。

人參 藿香葉 厚朴去粗皮 黃耆各二兩 交趾桂一兩 川白芷二兩

大當歸去尾 五味子 白朮各一兩 半夏 綿附子炮各一兩 熟地黃酒洗

川芎 白茯苓各二兩 丁香 南木香 乾薑 甘草各一兩

右剉散。每服三錢。水一盞半。生薑三片。棗子二枚煎。空心溫服。

痲冷

金粟黃芽丹又名太乙紫霞丹。此丹養火不計歲年。有起死回生之功。蘊脫胎換骨之妙。昔鍾呂陰三真人張柏子所煉。皆此丹也。粒至小。功甚大。應諸虛百損。五勞七傷。八風五癘。沉寒痲冷。水腫蟲氣。久痢久瘧。一切男女老幼困篤之疾。百藥不能療者。悉皆主之。初服覺腹中微擾。或欲吐瀉。則是驅逐諸病。無病則不動。再服則不覺。經云。服丹之人。能絕嗜慾。斷五腥。不食鷄魚大蒜陳臭等物。當為地仙矣。若未免此。服及一兩。延壽一紀。大率救憊扶危。衛生伐病。無出此丹之右。服時以平旦。取一粒在手內。搓令暖。置口中。可加至十粒。或用棗肉圓。面東叩齒。密念呪曰。返我常。歸我鄉。服之。千日朝虛皇。一氣七遍。以井花水或人參棗湯送下。孕婦不可服。

此丹無方。惟有丹母。不知是何藥。修煉得成。修煉時。以大朱砂一斤抽汞。置丹母於鼎內。以汞安於丹母上。覆以真金箔五十片。於靜室養火。朝東北。暮西南。一日後開鼎。如覺丹母傷火。以濃煎沉香水浴。一載後丹成。如穀芽樣。或如花果樣。用銀剪刀剪下。入大蘿蔔內蒸一伏時。以蘿蔔深黑為度。取出用玉石杵臼研為細末。以木蜜為圓。圓如粟米大。依前湯引服。大有功效。所惜者此

丹母自北而南。多為名宦巨室收藏。不入醫家。抽汞修煉家另有法。

聚寶養氣丹治諸虛不足。氣血怯弱。頭目昏眩。肢節倦怠。心志昏憤。夜夢失精。小便滑數。脾胃氣虛。又治諸風癱瘓。半身不遂。語言蹇澀。肢體重痛。寒濕氣痹。或久寒宿冷泄瀉。發瘧寒熱。下痢赤白。及腸風痔瘻。下血不止。婦人子臟久冷。崩漏帶下五色。月候不調。腹脇刺痛。血瘦血閉。羸瘦乏力。並皆治之。

代赭石

紫石英

赤石脂

再餘糧已上四味各二兩醋煨水飛過搜作錠子候十分乾入沙合內煑火三日蟻子埋地中出火毒一宿

陽起石煨

肉豆蔻麵包煨

鹿茸酒炙

破故紙酒炒

鍾乳粉

五靈脂酒研

茴香酒炒

柏子仁

當歸酒浸

遠志酒去心

沒藥別研

白茯苓

附子炮

天雄炮

胡椒

沉香

丁香

木香

乳香

黃耆蜜炙

山藥

菝葜焙

肉桂

巴戟各半兩

血竭

琥珀

朱砂

麝香各三錢

右為末。糯米糊圓。梧桐子大。留朱砂麝香為衣。每服三十圓。空心。人參湯或棗湯下。婦人醋湯。黑錫丹治丈夫元臟虛冷。真陽不固。三焦不和。上熱下冷。耳內虛鳴。腰背疼痛。心氣虛乏。飲食無味。

膀胱久冷。夜多小便。婦人月事愆期。血海久冷。惡露不止。赤白帶下。及陰毒傷寒。四肢厥冷。不省人事。急用棗湯吞一二百粒。即便回陽。此藥大能調治榮衛。升降陰陽。補損益虛。回陽返陰。

黑錫洗淨了去滓秤

硫黃透明者各二兩

附子炮去皮

破故紙酒浸

肉豆蔻麵煨

茴香炒

金鈴子蒸去皮核

陽起石酒煮研細

木香

沉香各一兩

肉桂半兩

葫蘆巴酒浸炒一兩

右用新鐵銚內如常法結黑錫硫黃砂子。地上出火毒。自朝至暮。研令極細。餘藥並杵羅為細末。一處和停。入研。酒糊圓。梧桐子大。陰乾。入布袋內擦令光瑩。每服五七十圓。空心薑鹽湯或棗湯下。婦人艾醋湯下。如一切冷疾。鹽酒鹽湯。空心下三四十圓。年高時有客熱。服之大效。

靈砂性溫無毒。主五臟百病。益精養神。補氣明目。安魂魄。通血脉。止煩滿。殺邪魅。善治榮衛不交。養陰陽不升降。上盛下虛。頭旋氣促。心腹冷痛。翻胃吐逆。霍亂轉筋。臟腑滑泄。赤白下痢。久服通神。輕身不老。令人心靈。此丹按仙經服餌之法。會五行符合之妙。體性輕清。不隨煙焰飛走。男女老幼皆可服。

水銀一斤

硫黃四兩

右二味。用新鐵銚炒成砂子。或有煙焰。即以醋洒。候研細。入水火鼎。醋調赤石脂封口。鐵線扎縛。

晒乾。鹽泥固濟。用炭二十斤煨。如鼎子裂。筆蘸赤石脂頻抹其處。火盡爲度。經宿取出。研爲細末。糯米糊爲圓。如麻子大。每服三粒。空心。棗湯米飲或井花水人參湯服。量病輕重。增至五七粒。忌猪羊血菘豆粉冷滑之物。

歲丹以前靈砂養火十二月。乃名歲丹。補諸虛用之。其功十倍。

三建湯治真氣不足。元陽久虛。寒邪攻衝。肢節煩疼。腰背痠楚。自汗厥冷。大便滑泄。小便白濁。及中風涎潮。不省人事。傷寒陰證。厥逆脉微。皆可服之。

天雄 附子 大川烏 各炮去皮臍 淨秤一兩

右剉散。每服四錢。水二盞。薑十片煎。不拘時服。氣不順。加木香沉香。加了香胡椒。名丁胡三建湯。金液丹固真氣。暖丹田。堅筋骨。壯陽道。除久寒痼冷。補勞傷虛損。男子腰腎久冷。心腹積聚。脇下冷癖。腹中諸蟲。失精遺溺。形羸力劣。脚膝痿弱。冷風頑痹。上氣衄血。咳逆寒熱。霍亂轉筋。虛滑下痢。又治痔瘻。濕蟻生瘡。下血不止。及婦人血結寒熱。陰蝕疽痔。

硫 黃 淨揀去沙石十兩。研細。飛過用瓦合子盛。以水和赤石脂封口。以鹽泥固濟。晒乾。地內先埋一小罐。子盛水令滿。安合子在上。用泥固濟。訖。慢火養七日。七夜候足。加頂火一斤。煨候冷。取出。研爲細末。

右藥末一兩。用蒸餅一兩湯浸。握去水脉。爲圓。梧桐子大。每服三十圓。多至百圓。溫米飲下。空心

服之。又治傷寒陰證。身冷脉微。手足厥逆。或吐或利。或自汗不止。或小便不禁。不拘圓數。宜併服之。得身熱脉出爲度。

附子理中圓治脾胃冷弱。心腹疴痛。嘔吐泄利。霍亂轉筋。體冷微汗。手足厥寒。心下逆滿。腹中雷鳴。嘔噦不止。飲食不進。及一切沉寒痼冷。並皆治之。

附子 炮去皮臍 人參 乾薑 炮 甘草 白朮 各三兩

右爲末。煉蜜圓。每兩作十圓。每服一圓。以水一盞化破。煎七分。空心稍熱服。

震靈丹此丹不犯金石飛走有性之藥。不僭不燥。奪造化冲和之功。大治男子真元衰憊。五勞七傷。臍腹冷疼。肢體疼痛。上盛下虛。頭目暈眩。心神恍惚。血氣衰微。及中風癱緩。手足不遂。筋骨拘攣。腰膝沉重。容枯肌瘦。目暗耳聾。口苦舌乾。飲食無味。心腎不足。精滑夢遺。膀胱疝墜。小腸淋瀝。夜多盜汗。久瀉久痢。嘔吐不食。八風五瘕。一切沉寒痼冷。服之如神。及治婦人血氣不足。崩漏虛損。帶下久冷。胎臟無子。服之無不愈者。

禹餘糧 火煨醋碎不計暈 次以手燃得碎炒 丁頭代赭石 如禹餘糧製同

赤石脂 已上四味並作小塊入甘鍋內。鹽泥固濟。候乾。用炭十斤煨。通紅。火盡爲度。入地坑埋出。火毒二宿。

滴乳香 別研 沒藥 去沙各研

紫石英 五靈脂 去沙石研 各二兩

朱砂水飛過一兩

右為末。以糯米為糊。圓如小鷄頭大。晒乾出光。每一粒。空心溫酒下。冷水亦可。常服鎮心神。駐顏色。溫脾胃。理腰膝。除尸疰蟲毒。辟鬼魅邪癘。久服輕身。漸入仙道。忌豬羊血。恐減藥力。婦人醋湯下。孕婦不可服。極有神效。不可盡述。

來復丹此藥配類二氣。均調陰陽。奪天地冲和之氣。乃水火既濟之方。可冷可熱。可緩可急。善治榮衛不交。養心腎不升降。上實下虛。氣閉痰厥。心腹冷痛。臟腑虛滑。不問男女老幼。危急之證。但有胃氣。無不獲安。補損扶虛。救陰助陽。為效殊勝。

消石

一兩同硫黃並為末。入定櫟內。以微火溫炒。用柳篋子不住手攪。令陰陽氣相入。不可火太過。恐傷藥力。再研極細。

太陰玄精石一兩研飛

青皮去白二兩

陳皮去白二兩

五靈脂須擇五嶺山者。用水澄去沙石。晒乾二兩

船上硫黃用透明不夾沙石者。一兩

右用五靈脂青皮陳皮為末。次入玄精石末。及前消石硫黃末拌勻。以好酒醋打糊圓。豌豆大。每服三十粒。空心粥飲吞下。甚者五十粒。小兒三五粒。新生嬰兒一粒。小兒慢驚風。或吐利不止。變成虛風搐搦者。非風也。胃氣欲絕故也。用五粒研碎。米飲送下。老人伏暑迷悶。紫蘇湯下。婦人產後血逆。上搶悶絕。並惡露不止。及赤白帶下。並用醋湯下。常服和陰陽。益精神。散腰腎陰濕。止腹

脇冷疼。立見神效。應諸疾不辨陰陽證者。並宜服之。靈異不可具記。

養正丹却邪輔正。助陽接真。治元氣虛虧。陰邪交蕩。正氣乖常。上盛下虛。氣不升降。呼吸不足。頭旋氣短。心神怯弱。夢寐驚悸。遍體盜汗。腹痛腰疼。或虛煩狂言。口乾上喘。翻胃吐食。霍亂轉筋。咳逆不定。又治中風涎潮。不省人事。陽氣欲脫。四肢厥冷。如傷寒陰盛。自汗。唇青脉沉。最宜服之。及婦人產後血氣身熱。月候不均。帶下腹痛。悉能治療。常服濟心火。強腎水。進飲食。

水銀

黑錫去沙淨秤與水銀結砂子

硫黃研細

朱砂研細各一兩

右用黑蓋一隻。火上鎔黑鉛成汁。次下水銀。以柳杖子攪勻。次下朱砂。攪令不見星子。放下少時。方入硫黃末。急攪成汁。和勻。如有焰。以醋酒之。候冷取出。研如粉極細。用糯米粉煮糊圓。菘豆大。每服二十粒。加至三十粒。鹽湯下。此藥升降陰陽。既濟心腎。空心棗湯送下。神效不可具述。

玉華白丹清上實下。助養根元。扶衰救危。補益臟腑。治五勞七傷。夜多盜汗。肺痿虛損。久嗽上喘。霍亂轉筋。六脉沉伏。唇口青黑。腹脇刺痛。大腸不固。小便滑數。夢中遺泄。肌肉瘦瘁。目暗耳鳴。胃虛食減。久瘧久痢。積寒痼冷。諸藥不愈者。服之如神。

白石脂碎瓦閣起火煨紅研細水飛半兩

鍾乳粉煉成者一兩

陽起石用甘鍋盛於大火中煨令通紅取出。酒淨放在陰地上。令乾不可晒半兩

左顧牡蠣七錢洗用韭菜搗鹽泥固濟火煨放冷取白者秤半兩

右各細研如粉。拌和作一處。令勻。研一二日。以糯米粉煮糊圓。如鷄頭大。入地坑出火毒一宿。每服一粒。空心。濃煎人參湯放冷送下。熟水亦可。常服溫平。不僭不燥。澤肌悅色。祛除舊患。婦人久無妊者。以當歸熟地黃浸酒下。便有符合造化之妙。或久冷崩帶虛損。臍腹撮痛。艾醋湯下。服畢。以少白粥壓之。忌猪羊血菘豆粉。恐解藥力。尤治久患腸風臟毒。

金鎖正元丹治真氣不足。元臟虛弱。四肢倦怠。百節痠疼。頭昏眩痛。目暗耳鳴。面色黃黑。鬢髮脫落。頭皮腫癢。精神昏困。手足多冷。心胸痞悶。繞臍切痛。膝脛痠疼。不能久立。或脚弱隱痛。步履艱難。腰背拘急。不得俯仰。腹痛氣刺。兩脇虛脹。水穀不消。大便不調。嘔逆惡心。飲食減少。恍惚多忘。氣促喘乏。夜多異夢。心忪盜汗。小便滑數。遺精白濁。一切元臟虛冷。皆治之。

五倍子四兩 巴戟去心十兩 茯苓四兩 葫蘆巴炒半斤 補骨脂酒炒五兩 肉蓯蓉洗焙半斤
龍骨 朱砂別研各一兩半 人參各一兩

右為末。入研藥令勻。酒糊圓。梧桐子大。每服十五圓至二十圓。空心食前。溫酒吞下。鹽湯亦可。四柱散治丈夫元臟氣虛。真陽耗散。兩耳常鳴。臍腹冷痛。頭旋目暈。四肢倦怠。小便滑數。泄瀉不止。

凡臟氣虛弱者。悉宜服之。

木香濕紙煨 茯苓 附子炮去皮 人參各一兩
右剉散。生薑二片。棗子一枚。鹽少許煎。空心食前服。

薑附湯治同上。方見中寒類

靈砂 鍾乳各研取末二兩 金鈴子蒸熟去皮核 沉香鎊 木香 附子炮去皮
葫蘆巴酒浸炒 陽起石研細水飛 破故紙酒浸炒 舶上茴香炒 肉豆蔻麴裏煨已上各一兩 鹿茸酒炙
菝葜酒洗 牛膝酒浸去蘆 巴戟去心各一兩 肉桂半兩 當歸頭一兩
右為末。研和令勻。酒煮糯米糊圓。梧桐子大。日乾。每服三十圓。空心棗湯下。鹽湯或溫酒亦可。沉附湯治上盛下虛。氣不升降。陰陽不和。胸膈痞滿。飲食不進。肢節痛倦。

附子炮去皮一兩 沉香剉分半兩
右剉散。分作三服。水二盞。薑十片。煎至八分。食前溫服。

耆附湯治氣虛陽弱。虛汗不止。肢體倦怠。

黃耆去蘆
蜜炙

附子炮去
皮臍

右等分剉散。每服四錢。水二盞。薑十片煎。不拘時服。

參附湯治真陽不足。上氣喘急。自汗盜汗。氣短頭暈。但是陽虛氣弱之證。並宜服之。

人參半兩

附子炮去
皮臍一兩

右剉散。分作三服。水二盞。薑十片煎。食前溫服。

茸附湯治精血俱虛。榮衛耗損。潮熱自汗。怔忡驚悸。肢體倦乏。但是一切虛弱之證。悉宜服之。

鹿茸

去毛酒
蒸一兩

附子炮去
皮臍一兩

右剉散。分作四服。水二盞。生薑十片。煎至八分。去滓。食前溫服。

桂附湯治虛汗不止。及體虛失血大效。

交趾桂一兩去
粗皮

綿附子一枚炮
去皮臍

右剉散。每服三錢。水二盞。薑三片。棗二枚煎。食前溫服。

元陽秋石丹治羸弱久嗽。針灸不效。頭眩腹脹。喘滿。積年腫滿。年少色慾過度。未老眼昏膝疼。遺泄

白濁。腰背時痛。服之真還元衛生之寶。如竹器損以竹器補之。
金器損以金器補之。

陰煉法。小便三五石。夏月雖腐敗亦堪用。分置大盆中。以新水一半以上相和。旋轉攪百匝。放令澄清。辟去清者。只留濁脚。又以新水同攪。水多為妙。又澄去清者。直候無臭氣再研。以乳男子乳和如膏。烈日中暴乾。如此九度。仍須待好日色乃和。蓋假太陽氣也。第九度即圓之如梧桐子大。暴乾。每服三十圓。溫酒下。

陽煉法。小便不計多少。大約兩桶為一擔。先以清水按好皂角濃汁。以布絞去滓。每小便一桶。入皂角汁一盞。用竹篋急攪令百餘遭乃止。直候小便澄清。白濁皆淀乃止。徐辟去清水不用。只取濁脚。併作一桶。又用竹篋子攪百餘匝。更候澄清。又辟去清者不用。凡十數擔。不過取得濃脚一二斗。其小便須先以布濾去滓物。取得濃汁。入淨鍋內熬乾。刮下搗碎。再入鍋以清湯煮令化。乃於箬箕內布筋紙兩重。傾入紙箬箕內。丁淋過。取淋下清汁。再入鍋熬乾。又用湯煮化。再依前法。丁淋。如熬乾色未潔白。更准前丁淋。直候色如霜雪即止。乃入固濟沙合內。歇口火。煨成汁。傾出。如藥生成渦。更煨一兩遍。候瑩白玉色即止。細研。入沙合內。固濟。頂火四圍。養七晝夜。久養火尤善。再研。每服二錢。空心溫水下。或酒棗肉為圓。如梧桐子大。每服三十圓亦得。空心服。陽煉陰煉。日午各一服。又名還元丹。咳嗽羸瘠。針灸不效。服此立愈。常病頭眩腹鼓。久之漸加喘滿。經年

垂困。服此有驗。皆只是火煉者。又傳陰煉法云。須得二法相兼。其藥能洞人骨體。無所不至。非惟治疾。可以常服。有功無毒。火煉秋石。人皆能之。煎煉時大作爐鼎。煎煉數日。臭達四隣。此法極費力。只一小鍋便可煉。體如金石。永不暴潤。與常法功力不侔。久病人只數服。極為神效。實能再生人也。

灸法 腎與膀胱俱虛。灸腎胸百壯。穴在對臍兩邊向後夾脊相去各一寸五分。兼治便濁失精。五臟虛勞痼冷。小腹弦急。

夢泄精。三陰交二七壯。夢斷神良。穴在內踝上大脉並四指是。

諸虛極。灸膏肓膈氣海穴。壯數愈多愈妙。

五 痿

加味四斤圓治腎熱肝虛。熱淫於內。致筋骨痿弱。自不勝持。起居須人。足不任地。驚恐戰掉。潮熱時作。飲食無味。不生氣力。諸虛不足。

菘 蓉 酒浸

牛 膝 酒浸

天 麻

木 瓜 乾

鹿 茸 燎去毛切酥炙

熟地黃

五 味 子 酒浸

兔 絲 子 酒浸別研

右為末。煉蜜圓。如梧子大。每服五十圓。溫酒米飲。食前任下。一法不用五味子。有杜仲。

麋角圓治五痿皮緩毛瘁。血脉枯槁。肌肉薄著。筋骨羸弱。飲食不滋。庶事不興。四肢無力。爪枯髮落。

眼昏唇燥。疲憊不能支持。

麋 角 鎊一斤重酒浸一宿

大 附 子 生去皮臍一兩半 熟地黃 四兩

右用大麥米二升。以一半籍底。以一半在上。以二布巾隔覆。炊一日。取出藥。與麥別焙乾為末。以

浸藥酒。添清酒煮麥粉為糊。搜和得所。杵三千下。圓如梧子大。每服五十圓。溫酒或米湯下。食前服。

芎 桂 散 治 四 肢 疼 痛 軟 弱 行 履 不 便。

川 烏 頭 二兩切作片水浸一宿切作片子候更以米泔浸一宿不洗日乾歛炒微赤為度乾了秤

川 芎 兩半 桂 心 一兩 甘 草 炙

乾 薑 炙各一分

右為末。每服二錢。溫鹽酒調下。日三服。

藿香養胃湯治胃虛不食。四肢痿弱。行立不能。皆由陽明虛。宗筋無所養。遂成痿躄。

藿香 白朮 白茯苓 神麴炒 烏藥去木 縮砂仁
 薏苡仁炒 半夏麴 人參各半兩 葶澄茄 甘草各三錢半
 右剉散。每服四錢。水一盞半。生薑五片。棗一枚。同煎七分。去滓。不以時服。

積熱

三黃圓治三焦積熱。頭目昏痛。肩背拘急。肢節煩疼。熱氣上衝。口苦唇焦。咽喉腫痛。痰涎壅滯。眼赤睛疼。及大便秘澀。或下鮮血。

大黃酒蒸 黃連去鬚 黃芩各等分

右爲末。煉蜜圓。梧桐子大。每服五十圓。不拘時熟水下。臟腑壅實。可加圓數。以利爲度。
 荆黃湯治風熱結滯。或生瘡癬。

荆芥四兩 大黃一兩

右剉散。每服三錢。水一盞半煎。空心服。

涼膈散治大人小兒臟腑積熱。口舌生瘡。痰實不利。煩躁多渴。腸胃秘澀。便溺不利。一切風熱。並能

治之。

連翹四兩 甘草 川大黃 朴消各二兩 薄荷去梗 黃芩

山梔子仁各一兩

右剉散。每服三錢。竹葉七片。蜜少許煎。食後服。爲末用薄荷湯調亦可。

洗心散治風壅涎盛。心經積熱。口苦唇燥。眼澀多淚。大便秘結。小便赤澀。

白朮一兩半 麻黃和節 當歸去苗洗 荆芥穗 芍藥 甘草

大黃繩婆煨去繩切焙各六兩

右剉散。每服三錢。水一盞半。生薑三片。薄荷葉七皮煎服。爲末茶清調亦可。

八正散治大人小兒心經邪熱。一切蘊毒。咽乾口燥。大渴引飲。心忪面熱。煩躁不寧。目赤睛疼。唇焦鼻衄。口舌生瘡。咽喉腫痛。又治小便赤澀。或癃閉不通。及熱淋血淋。

車前子 瞿麥 菖或用薄荷代 白滑石 甘草 梔子仁

木通去皮節 大黃各半斤

右剉散。每服三錢。水一盞半。用燈心十莖煎。食後臨臥溫服。小兒量力少少與之。或加麥門冬去

心尤妙。

甘露飲治丈夫婦人小兒胃中客熱。牙宣口氣。齒齲腫爛。時出膿血。目瞼垂重。常欲合閉。或即飢煩。不欲飲食。及赤目腫痛。不任涼藥。口舌生瘡。咽喉腫痛。瘡疹已發未發。皆可服之。又療脾胃受濕。痰熱在裏。或醉飽房勞。濕熱相搏。致生痘病。身面皆黃。肢體微腫。胸滿氣短。大便不調。小便黃澀。或時身熱。並皆治之。

- 枇杷葉去毛 乾熟地黃 天門冬去心 山茵陳 枳 殼去穢 石 斛去蘆
- 甘草 黃 芩 生乾地黃 麥門冬去心

右等分剉散。每服二錢。水一盞煎。食後臨臥溫服。小兒一服作兩服。仍量歲數加減。

消毒犀角飲治大人小兒內蘊邪熱。咽喉不利。痰涎壅急。眼赤臉腫。腮項結核。癰腫毒聚。遍身風癩。瘰癧赤癩。及瘡疹已出未出。不能快透。並皆治療。小兒疹豆欲出。及已出熱未解。急進此藥三四服。快透消毒。應手神效。

- 防 風二兩 鼠粘子炒一 荊芥穗八兩 甘 草半斤
- 右剉散。每服三錢。水一盞煎。食後溫服。

青金丹清心解熱除潮。治譫語。舌生白胎。痰盛氣壅。煩渴引飲。及時行熱疫。發熱如火。連日不愈。或熱極生風。大人小兒均可服。

- 天門冬去心 麥門冬各一兩 天 麻二分 全 蝎大者五個 牙 消二錢 天竺黃二分
- 鵬 砂一錢 雄 黃一錢 紫 粉四錢 白附子二分 辰 砂一錢 水 粉一兩
- 片腦子半錢 生麝香半錢 金銀箔各十片

右另研腦麝辰砂水粉金銀箔。同前藥末入白麵二兩。水圓。以靛花為衣。如筋頭大。每圓用麥門冬生地黃燈心薄荷煎湯磨化服。合時加甘草人參尤妙。

薄荷煎治口舌生瘡。痰涎壅塞。咽喉腫痛。

- 薄 荷一斤取頭末用二兩半 腦 子半錢別研 川 芎半兩取末二錢 甘 草半兩取末二錢 縮砂仁半兩取末二錢
- 右和勻。煉蜜成劑。任意嚼嚥。一方無腦子。有桔梗。

玄明粉治邪熱所干。膈上氣滯。五臟秘澀。

右以朴消煎過。澄濾五七遍。至夜於星月下露至天明。自然結作青白塊子。用瓷罐子按實。於炭火內從慢至緊。自然成汁。煎沸。直候不響。再加頂火。一煨便取出。於淨地上倒下。用盆合蓋了。以

去火毒。然後研爲細末。每二斤入甘草生熟二兩爲末。一處攪勻。臨臥酌量用之。或一錢二錢。以桃花煎湯或葱白湯下。朴消性本寒。燒過性溫無毒。

天竺黃散治臟腑積熱。煩躁多渴。口舌頰生瘡。咽喉腫痛。目赤鼻衄。丹瘤結核。癰瘡腫痛。上壅痰喘。伏暑燥熱瘡疹。

山梔子 去殼

連翹 各三錢

甘草 三兩二錢

瓜蒌根 一兩六錢

雄黃 雞冠色者半錢

天竺黃 五錢

鬱金 用皂角水煮切片焙乾三錢

右爲末。每服一錢。食後臨臥。汲新水調下妙。凡積熱病服之。胸次頓爽。或溘利。瘡疾服之。厚痂成片自落。

神芎圓治諸熱。方見頭痛類

四順清涼飲治血脉壅實。腑臟生熱。煩赤多渴。五心煩躁。睡臥不寧。四肢抽掣。及因飲食不時。寒溫失度。血氣不理。腸胃不調。或溫壯連滯。欲成伏熱。或壯熱不歇。欲發風痲。又治風熱結核。頭面瘡癩。目赤咽痛。瘡疹餘毒。一切壅滯。並宜服。

大黃 米下蒸切焙

赤芍藥

當歸 去蘆

甘草 各等分

右剉散。每服三錢。水一盞半煎。食後臨臥溫服。小兒量大小虛實加減。微溘利爲度。加荊芥穗尤妙。

大三黃圓治上焦壅熱。咽喉腫閉。心膈煩躁。小便赤澀。口舌生瘡。目赤睛疼。燥渴心煩。齒痛。

大柏皮

黃連

山豆根

黃芩 各四錢

滑石 二錢

黃藥 四錢

鵬砂 二錢

腦子

麝香

甘草 各一錢

百草霜 四錢

右爲末。新汲井花水圓如小指頭大。每服一圓。入口噙化。旋旋嚥下。

解毒雄黃圓取積下熱。去風毒。

雄黃 研飛

川鬱金 各一分

巴豆 十四個去油

右爲末。稀水麵糊圓。或水圓。如麻子大。每服五圓。加至七圓。熱茶清下。裏實用此。喉閉以熱茶清調灌下。

牛黃涼膈圓治上焦壅熱。口乾咽痛。煩躁涎潮。

馬牙消

寒水石 煨

硬石膏 各二兩

甘草 炙一兩

紫石英 研飛半兩

牛黃

腦子

麝香 各一兩

牛膽南星 三分

右爲末。煉蜜圓。每兩作四十圓。每服一圓。溫薄荷人參湯調下。

防風通聖散治一切風熱鬱結。氣血壅滯。筋脉拘攣。手足麻痺。頭痛昏眩。腰脊強痛。口苦舌乾。咽噎不利。胸膈痞塞。咳嗽喘滿。腸胃燥澀。大小便秘難。中風暴瘖不語。風熱瘡疥。並酒熱毒。小兒熱甚驚風。並宜服之。方見風科 禁證類

灸法 治胃中熱病。灸三里三十壯。穴在膝下三寸。

心 恙

〔熱證〕朱砂圓鎮心神。化痰涎。退潮熱。利咽膈。止煩渴。

- 鐵粉 天竺黃各一兩 金銀箔各二片 人參二錢 腦子半錢 生麝香一錢
- 輕粉三錢 眞犀角二錢 海金沙一兩 朱砂五錢

右爲末。水圓。朱砂爲衣。共圓作六百圓。每一圓至五圓。痰盛潮熱。薄荷沙糖生葛自然汁井水下。狂言譫語。涎壅膈上。地龍三兩。薄荷及沙糖水研。心神不寧。金銀箔薄荷湯化下。

洗心散治心神煩躁。涎壅咽乾。口苦多渴。方見積熱類

瀉心湯治心受積熱。譫言發狂。逾牆上屋。

- 大黃 黃芩 黃連各五錢

右剉散。每服四錢。水一盞半煎服。

甘遂散治癩癩。及婦女心風血邪。

右以甘遂一錢爲末。用猪心取三管血三條和甘遂。多少和之。將心批作兩片。入在內。再合線縛定。外用皮紙裹濕。慢火煨熟。不可焦過。取藥細碾。入辰砂末一錢和勻。分作四圓。每服一圓。將所煨猪心煎湯化下。再服。別用猪心亦可。過半日大便下惡物後。調和胃氣。凡此病乍作乍醒者。麤不食迷癡者死。

辰砂妙香散治男子婦人心氣不足。志意不定。驚悸恐怖。悲憂慘懣。虛煩少睡。喜怒不常。夜多盜汗。飲食無味。頭目昏眩。

- 麝香一錢 別研 山藥薑汁炙 一兩 人參半兩 木香煨 一兩 茯苓不焙 神去皮 不焙
- 黃耆各一兩 桔梗半兩 甘草炙 半兩 遠志去心 薑汁炒 一兩 辰砂三錢 別研

右爲末。每服二錢。溫酒調。不以時候。

〔虛證〕引神歸舍丹治心氣亦治心風。

大天南星 刮去皮取心
碎一兩生用

附子 一枚重七錢以
上者炮去皮鹽

朱砂 一兩
水飛

右爲末。用猪心血圓。梧子大。如不稠粘。入麵糊少許。煎忘憂草根湯下。

茯神圓治心虛或癩或疼。

附子 大者一枚作罌入塊粒朱砂半兩依舊
用元物塞之以茯神和麴作劑通裏煨

右爲末。積猪心血爲圓。人參湯下。

驚氣圓治驚憂積氣。心受風邪。發則牙關緊急。涎潮昏塞。醒則精神若癡。

附子 炮去
皮臍

南木香

白僵蠶 炒

花蛇 酒浸炙
去皮骨

橘皮

麻黃 去節各
半兩

乾蝎 去毒
一分

紫蘇子 炒一
兩

天南星 洗浸漚切片薑
汁浸一夕半兩

朱砂 一分留少
許爲衣

右爲末。入研腦子麝香少許同研勻。煉蜜圓。如龍眼大。用少朱砂爲衣。每服一圓。金銀薄荷湯化下。溫酒亦可。

鎮心圓治心氣不足。老人虛人及用心過度者。心脉虛弱而心恙。並宜服之。

右用大附子一個。去皮臍。切作片子。疏絹袋盛。用地黃自然汁一大升。銀石器中慢火熬。候地黃

汁將盡。取出附子。曬乾爲末。再入餘地黃汁研成劑。圓如菉豆大。每服三十圓。米飲下。若病二三十年者。只兩個附子可效。二三年者一個附子效矣。

〔通治〕鐵粉散治顛狂譫語。亂說神祟。不避親疏。登高履險。或歌或笑。裸體不飲食。數日昏不知人。及風證狂怒。或如醉如癡。

顆塊大朱砂 一兩
另研

紅明琥珀 一兩
另研

大南星 二兩

圓白半夏 二兩

白礬 煨五
錢

真鐵粉

白附子 各二
兩

大川烏 生去皮臍
一兩半

羌活 二兩

全蝎 五十
個

真金箔 三十
片

僵蠶 一兩去
絲雋

右爲末。每服四錢。生薑四兩。淨洗取自然汁。溫暖調服。如不任辣味。加溫水少許。服之立效。

十四友圓補諸虛不足。益血。收斂心氣。治怔忡不寧。精神昏倦。睡臥不安。

柏子仁 別研

遠志 去心酒
浸蒸炒

酸棗仁 炒香

紫石英 明亮
者

熟乾地黃 洗

川當歸 洗

白茯苓 去皮

茯神 去皮

人參 去蘆

黃耆 蜜炙

阿膠 蚌粉
炒

肉桂 去粗皮
各一兩

龍齒 二兩

辰砂 半兩
另研

右爲末。煉蜜圓。如梧子大。每服三四十圓。棗湯食後臨臥服。舊有患心疾。怔忡健忘。夢寐恍惚。多

不得睡。異狀無不有。心藥無不服。未能收效。蓋此疾本憂愁思慮。耗心血而得之。今欲安心。當用當歸地黃等滋養心血。若更服發散藥。如菖蒲之類。心氣愈散。必收斂之。始見功效。緣用心過而成此疾也。服之大覺有神效。

寧志圓好朱砂一兩。將熟絹一小片包裹。以線扎定。鑽豬心一枚。竹刀子切破。不得犯鐵。用紙拭去血。入朱砂包子於豬心內。却用麻線縛合豬心。又以甜筍殼再裹了。麻皮扎定。無灰酒二升。入砂罐子或銀器內煮。酒盡為度。去線並筍殼。取朱砂別研。將豬心竹刀細切。砂盆內研令爛。却入後藥末。並朱砂棗肉為圓。留少朱砂為衣。藥末須隔日碾下。棗肉於煮豬心日絕早煮熟。剝去皮核。取肉四兩用。患心風。服此一料。其病頓減。

人參 白茯苓 當歸洗去土及蘆 石菖蒲 乳香別研

酸棗仁用五兩湯浸去皮可剝半兩用仁炒令赤香熟為度各半兩重

右為末。和圓如梧子大。以留下朱砂為衣。每服五十圓。人參湯下。

抱膽圓治男子婦人一切癩癘風狂。或因驚恐怖畏所致者。及婦人產後血虛。驚氣入心。並室女經脉通行。驚邪蘊結。頓服此。累曾經效。

水 銀二兩 朱砂細研 黑鉛半兩 乳香細研

右將黑鉛入銚子內。下水銀結成砂子。次下朱砂滴乳。乘熱用柳木搥研勻。圓如鷄頭大。每服一圓。空心井花水吞下。病者得睡。切莫驚動。覺來即安。再一圓可除根。

一醉散治心恙。

無灰酒二碗 真麻油四兩

右和勻。用楊柳枝二十條。逐條攪一二百下。換遍柳條。直候油酒相入如膏。煎至七分碗。狂者強灌之。令熟睡。或吐或不吐。覺來即醒。

又方蕊珠圓

大豬心一枚取血 大朱砂二兩為末 青靛花一匙

右先將青靛花同豬心血一處同研。次以朱砂末共圓。如梧子大。每服二十圓。茶酒下。不拘時。甚者不過三服。

鬱馨圓治顛狂可畏。數年不愈。多因驚憂得之。痰涎留於心竅。

蟬肚鬱金七兩真蜀川來者 明礬三兩

大方脈雜醫科 心恙

右爲末。薄糊爲圓。如梧子大。每服五十圓。湯水任服。初服覺心胸間有物脫去。神氣洒然。再服稍甦。多服此藥。大能去痰。安平必矣。

朱雀圓治心神不定。恍惚不樂。火不下降。時復振跳。常服消陰火。全心氣。

茯神二兩 去皮 沉香半兩

右爲末。煉蜜圓。如小豆大。每服三十圓。食後人參湯下。

陳艾湯治盜汗只自心頭出者。名曰心汗。

茯苓二兩 半

右爲末。每服二錢。濃煎艾湯調下。

歸神丹治一切驚憂。思慮恍惚。作事多忘。心氣不足。癩癩狂亂。及大病後心虛。神不守舍。久服養神思。益眼力。

顆塊大朱砂二兩入猪心內燈心纏縛用無灰酒蒸二炊久取出另研

金箔二十片 另研 眞銀箔十片 別研 深紅琥珀一兩 別研

酸棗仁去殼 二兩 大遠志取淨皮薑汁拌炒一兩

白茯神去木 二兩 羅參二兩 大當歸去尾 二兩

龍齒一兩

右爲末。酒煮稀糊圓。如梧子大。每服二九圓至三九圓。去心麥門冬湯下。癩癩至甚者。乳香人參湯下。夜寢不寐或多亂夢。炒酸棗仁湯下。

平補鎮心丹治丈夫婦人心氣不足。志意不定。神情恍惚。夜多異夢。忪悸煩鬱。及腎氣傷敗。血少氣多。四肢倦怠。足麻酸疼。睡臥不穩。夢寐遺精。時有白濁。漸至羸弱。

酸棗仁去皮隔紙微炒二錢半 車前子去沙土 碾破 白茯苓去皮 五味子去枝梗各一兩二錢半 熟地黃洗酒蒸

天門冬去心 遠志去心甘草水煮 山藥洗淨薑汁製各一兩半 茯神去皮 麥門冬去心

肉桂不見火各一兩二錢半 人參五錢 龍齒一兩 朱砂細研半兩爲衣

右爲末。煉蜜圓。如梧子大。每服三十圓。空心飯飲下。溫酒亦可。加至五十圓。常服益精髓。養氣血。悅顏色。

獨效苦丁香散治忽患心疾。癩狂不止。得之驚憂之極。痰氣上犯心包。當伐其源。

右以苦丁香即瓜蒂半兩爲末。每服一錢重。井花水調滿一盞投之。得大吐之後熟睡。勿令人驚起。凡吐能令人目翻。吐時令閉雙目。或不省人事。則令人以手密掩之。信乎深痼之疾。必投瞑眩之藥。吐不止。以生麝香少許。溫湯調即解。

大方脉雜醫科 心恙

四一五

灸法 狂癇不識人。癲病眩亂。灸百會九壯。狂邪鬼語。灸天憑九壯。其穴在頸大筋前曲頰下扶突後動應手陷中是。狂言恍惚。灸天樞百壯。其穴去背膂一寸半直臍傍二寸。狂癇哭泣。灸逆注三十壯。穴在左右手腕後六寸。癲狂風癇吐舌。灸胃脘百壯。不針。狂邪發無常。被髮大喚。欲殺人。不避水火。及狂言妄語。灸間使三十壯。穴在腕後五寸臂上兩骨間。狂走喜怒悲泣。灸臣覺穴隨年壯。穴在背上夾內側。反手所不及者。骨芒穴上捻之。痛者是也。鬼魅。灸入髮一寸百壯。狐魅。合手大指縛指。灸合間三七壯。當狐鳴即瘥。卒狂言鬼語。以帶急合縛兩手大指。便灸左右脇下對屈肋頭兩處各七壯。須臾鬼自道姓名乞去。徐徐問之。乃解其手。卒中邪魅。恍惚振噤。灸鼻下人中及兩手足大指爪甲本。令艾圓半在爪上。半在肉上。各七壯。不止。十四壯。艾炷如雀糞大。卒狂鬼語。針其足大拇指爪甲下。入少許即止。

怔忡

益榮湯治思慮過制。耗傷心血。心帝無輔。怔忡恍惚。善悲憂。少顏色。夜多不寐。小便或濁。

當歸去蘆酒浸

黃耆去蘆

小草

酸棗仁炒去殼

柏子仁炒

麥門冬去心

茯神去木

白芍藥

紫石英研各一兩

木香不見火

人參

甘草各半兩

右剉散。每服四錢。生薑五片。棗一枚煎。不以時溫服。

龍齒丹治心血虛寒。怔忡不已。痰多恍惚。

龍齒

附子炮去皮臍切片薑汁浸一宿

遠志去心甘草水煮

酸棗仁炒去殼別研

當歸去蘆酒浸

官桂不見火

琥珀別研

南星剉薑汁浸一宿各一兩

木香不見火

沉香別研

紫石英煅醋淬七次 熟地黄酒蒸焙各半兩

右爲末。煉蜜圓。如梧子大。朱砂爲衣。每服五十圓。不拘時候。棗湯吞下。

茯苓飲子治痰飲蓄於心胃。怔忡不已。

赤茯苓去皮

半夏湯泡七次

茯神去木

麥門冬去心

橘皮去白各一兩

沉香不見火

甘草炙

檳榔各半兩

右剉散。每服三錢。薑五片煎。不拘時候溫服。

排風湯治風虛冷濕。閉塞諸經。怔忡。方見風科通治類。加酸棗仁一撮煎。

加味壽星圓治驚憂思慮。氣結成痰。留蓄心胞。怔忡驚惕。痰逆惡心。睡臥不安。方見風科通治類。

棗肉靈砂專治虛人夜不得睡。夢中驚魘。自汗忪悸。

靈砂二分 人參半分 酸棗仁肉一分

右爲末。棗肉圓。臨臥時。棗湯吞下五七粒。

薑朮湯治虛證停飲怔忡。

白薑生 白朮 茯苓 半夏各半 辣桂 甘草一分

右剉散。每服三錢。水一盞。生薑三片。紅棗一枚煎。溫服。不拘時候。

五苓散治水氣心下怔忡。方見傷暑類

驚悸

十味溫膽湯治心膽虛怯。觸事易驚。夢寐不祥。異象惑感。遂致心驚膽懾。氣鬱生涎。涎與氣搏。變生諸證。或短氣悸乏。或復自汗。四肢浮腫。飲食無味。心虛煩悶。坐臥不安。

半夏湯洗七次 枳實去穢切 陳皮去白各三兩 白茯苓去皮兩半 酸棗仁微炒 粉草五錢
大遠志去心甘草水煮薑汁炒一兩 北五味子 熟地黃切酒炒 條參各一兩

右剉散。每服四錢。水盞半。薑五片。棗一枚煎。不以時服。

遠志圓治因事有所大驚。夢寐不祥。登高陟險。神魂不安。驚悸恐怯。

遠志去心薑汁洗 石菖蒲各二錢 茯苓神木去皮 茯苓 人參 龍齒各一兩

右爲末。煉蜜圓。如梧子大。辰砂爲衣。每服七十圓。食後臨臥熟水下。

十四友圓治驚悸不寧。

驚氣圓治挾風驚懾。同上方並見心恙類

加味四七湯治心氣鬱滯。豁痰散驚。

半夏製二兩半 茯苓 厚朴各兩半薑汁炒 茯神 紫蘇葉各一兩 遠志薑汁炒溫取肉焙乾
甘草炙各半兩

右剉散。每服四錢。薑七片。石菖蒲半寸。棗二枚煎服。

怔忡

還魂湯治精神不全。心志多恐。遂爲邪鬼所擊。或復附著。奄忽氣絕。無復覺知。或謔言罵詈。如醉如

狂人有起心。先知其肇。其狀萬端。不可概舉。及卒心腹脹滿。吐利不行。如乾霍亂狀。世所謂衝惡是也。或已死口噤不開。去齒下湯。或湯入口不下者。分病人髮。左右捉。踏肩引之。藥下復增。取盡二升。須臾立甦。

杏 仁去皮尖一 甘草 桂去粗皮 麻 黃去節洗

右劉散。每服四大錢。水一盞半煎。不以時服。

桃奴圓治心氣虛有熱。恍惚不常。言語錯亂。尸疰客忤。魘夢不祥。小兒驚癇。並宜服之。

桃 奴七枚別研為末 辰 砂半兩別研 桃 仁十四枚去皮 生玳瑁一兩 麝 香一分別研

牛 黃別研損一分 龍 腦別研一分 雄 黃用桃葉煮水 黑 犀石上以水磨澄去

安息香一兩以無灰酒對的多少研飛去沙土銀器中入桃仁琥珀熬成膏 眞琥珀別研三分

右為末。和入前膏。圓如鷄頭大。陰乾。密器封閉。淨室安置。煎人參湯研下一圓。食後臨臥服。

蘇合香圓治卒中惡忤疰。方見中氣類

灸法 治飛尸、遁尸、寒尸、喪尸、尸疰。其狀腹痛脹急。不得息氣。上衝心胸。傍攻兩脇。或壘塊踊起。或

攣引腰背。灸乳後三寸。男左女右。可二七壯。不止者。多其壯數。取愈止。又灸兩大拇指頭七壯。

一切疰無新久。先仰臥。灸兩乳邊斜下三寸第三肋間。隨年壯。可至三百壯。又治諸氣神良。一名

疰市。

五毒疰。不能食。灸心下三寸胃管穴十壯。

水疰。口中涌水。乃肺來乘腎。食後吐水。灸肺膈九壯。